

# LECTIONARIUM

★ Proprium de Sanctis . . . . .	297
★ Pro Missis ad diversa . . . . .	401
★ Pro Missis votivis . . . . .	409
★ Prosæ seu sequentiæ . . . . .	415

**PROPRIUM DE SANCTIS**

# IANUARIUS

Die 7 ianuarii

S. RAIMUNDI DE PENYAFORT  
PRESBYTERI

Memoria obligatoria

LECTIO PRIOR

*Dedit nobis ministerium reconciliationis.*

Léctio Epístolæ secúndæ beáti Pauli apóstoli  
ad Corínthios

5, 14-20

Fratres:

Cáritas Christi urget nos; æstimántes hoc, quóniam, si unus pro ómnibus mórtuus est, ergo omnes mórtui sunt; et pro ómnibus mórtuus est, ut et qui vivunt iam non sibi vivant, sed ei qui pro ipsis mórtuus est et resurréxit.

Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo nova creatúra, vétera transiérunt: ecce facta sunt ómnia nova; ómnia autem ex Deo, qui reconciliávit nos sibi per Christum et dedit nobis ministérium reconciliatiónis.

Quóniam quidem Deus erat in Christo mundum reconcilians sibi, non réputans illis delícta ipsórum, et pósuit in nobis verbum reconciliatiónis.

Pro Christo ergo legatióne fúngimur, tamquam Deo exhortánte per nos. Obsecrámus pro Christo: Reconciliámini Deo.

Verbum Dómini.

Vel:

Ez 33, 1. 7-11: « Nolo mortem impii, sed ut convertatur a via sua ». Factum est verbum Dómini ad me ...

Vel:

Gal 5, 16-17. 22-23a. 24-25: « Si Spiritu vivimus, Spiritu et ambulemus ». Fratres: Spíritu ambuláte, ...

---

PSALMUS RESPONSORIUS

Ps 102, 1-2. 3-4. 8-9. 13-14. 17-18a (R.: 1a, vel 8a)

R. **Bé**nedic, ánima mea, Dómino.

Vel: **Miserá**tor et **miséricors** Dóminus.

**Bé**nedic, ánima mea, Dómino;  
et ómnia quæ intra me sunt, nómini sancto eius.  
**Bé**nedic, ánima mea, Dómino,  
et noli oblivísci omnes retributiónes eius. R.

Qui propitiátur ómnibus iniquitatibus tuis,  
qui sanat omnes infirmitates tuas;  
qui rédimít de intéritu vitam tuam,  
qui coronat te in misericórdia et miseratióibus. R.

**Miserá**tor et **miséricors** Dóminus,  
longánimis et multæ misericórdiæ.  
Non in perpétuum conténdet,  
neque in ætérnum irascétur. R.

Quómodo miserétur pater filiórum,  
misértus est Dóminus timéntibus se.  
Quóniam ipse cognóvit figméntum nostrum,  
recordátus est quóniam pulvis sumus. R.

Misericórdia autem Dómini ab ætérno  
et usque in ætérnum super timéntes eum,  
et iustítia illíus in fílios filiórum;  
in eos qui servant testaméntum eius. R.

Vel:

Ps 118, 1. 27. 30. 34. 35. 44

R. (35a): Deduc me, Dómine, in sémitam mandatórum tuórum.

ALLELUIA

Io 14, 26

R. Allelúia. V. Spíritus Sanctus docébit vos  
quæcúmque díxero vobis.  
R. Allelúia.

Vel:

Io 14, 26

R. Allelúia. V. Spíritus Sanctus vos docébit ómnia;  
súggeret vobis ómnia quæcúmque díxero vobis.  
R. Allelúia.

Vel:

Mt 5, 16

R. Allelúia. V. Sic lúceat lux vestra coram homínibus  
ut vídeant ópera vestra bona  
et gloríficent Patrem vestrum.  
R. Allelúia.

EVANGELIUM

*Non veni solvere legem sed adimplere.*

✠ Lécio sancti Evangélij secúndum Matthæum 5, 13-19

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo saliétur? Ad nihilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem posita. Neque accendant lucernam et ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant vestra bona opera et glorificent Patrem vestrum, qui in caelis est.

Nolite putare quoniam veni solvere legem aut prophetas: non veni solvere, sed adimplere. Amen quippe dico vobis, donec transeat caelum et terra, iota unum aut unus apex non praeteribit a lege donec omnia fiant. Qui ergo solverit unum de mandatis istis minimis et docuerit sic homines, minimus vocabitur in regno caelorum; qui autem fecerit et docuerit, hic magnus vocabitur in regno caelorum ».

Verbum Domini.

Vel:

Lc 12, 42-44. 48b: « Omni cui multum datum est multum quaeretur ab eo ».

In illo tempore: Dixit autem Dominus: Quis, putas, est fidelis ...

Die 18 ianuarii

S. MARGARITÆ DE HUNGARIA  
VIRGINIS

Memoria obligatoria

LECTIO PRIOR

*Caritatem habuit, quod est vinculum perfectionis.*

Lectio Epistolæ beati Pauli apostoli  
ad Colossenses

3, 12-17

Fratres:

Induite vos sicut electi Dei, sancti et dilecti, viscera misericordiæ, benignitatem, humilitatem, mansuetudinem, patientiam

tiam, supportántes ínvicem et donántes vobis ipsis si quis advérsus áliquem habet querélam; sicut et Dóminus donávit vobis, ita et vos.

Super ómnia autem hæc caritátem habéte, quod est vínculum perfectiónis. Et pax Christi dominétur in córdibus vestris, ad quam et vocáti estis in uno córpore. Et grati estóte.

Verbum Christi hábitet in vobis abundánter, in omni sapientiá docétes et commonétes vosmetípsos psalmis, hymnis, cánticis spiritálibus, in grátia cantántes in córdibus vestris Deo.

Omne, quodcúmque fáctis in verbo aut in ópere, ómnia in nómine Dómini Iesu grátias ágétes Deo Patri per ipsum.

Verbum Dómini.

Vel:

Est 4, 17n. 17p-17bb. 17hh. 17kk: « Deus spes nostra ».

Esther regína confúgit ad Dóminum pavens pérículum mortis, quod imminébat. Et cécidit super terram ...

Vel:

Rom 12, 1-2. 9-13: « Exhibete corpora vestra hostiam viventem, sanctam, Deo placentem ».

Obsecro vos, fratres, per misericórdiam Dei, ut exhibeátis córpora vestra hóstiam vivéntem ...

#### PSALMUS RESPONSORIUS

Ps 26, 1. 4. 5. 8b-9ab. 9cd et 11 (R.: 8b)

R. Fáciem tuam, Dómine, exquíram.

Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.

Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini  
et vísitem templum eius. R.

Quóniam occultábit me in tentório suo,  
in die malórum.

Abscóndet me in abscóndito tabernáculi sui,  
in petra exaltábit me. R.

Fáciem tuam, Dómine, exquíram.

Ne avértas fáciem tuam a me,  
ne declínes in ira a servo tuo. R.

Adiútor meus es tu, ne me reícias,  
neque derelínquas me, Deus salútis meæ.

Osténde mihi, Dómine, viam tuam,  
et dírige me in sémitam rectam propter inimícos meos. R.

ALLELUIA

Phil 3, 8

R. Allelúia. V. Omnia detriméntum feci,  
ut Christum lucrifáciam.

R. Allelúia.

EVANGELIUM

*Si granum frumenti mortuum fuerit,  
multum fructum affert.*

✠ Lécio sancti Evangélii secúndum Ioánnem 12, 24-26

In illo témpore:

Dixit Iesus discíplis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam, perdit eam; et qui odit ánimam suam in hoc mundo, in vitam ætérrnam custódiét eam.

Si quis mihi minístrat, me sequátur, et, ubi sum ego, illic et miníster meus erit; si quis mihi ministráverit, honorificábit eum Pater ».

Verbum Dómini.

Die 23 ianuarij

**B. HENRICI SEUZE**  
**PRESBYTERI**

LECTIO PRIOR

*Amator Sapientiae factus sum.*

Lectio libri Sapientiae

8, 2-13

Hanc amavi et exquisivi a iuventute mea et quaesivi sponsam mihi eam assumere et amator factus sum formae illius. Generositatem suam glorificat contubernium habens Dei, sed et omnium Dominus dilexit illam. Doctrix enim est disciplinae Dei et electrix operum illius. Et si divitiae sunt desiderabilis possessio in vita, quid sapientia locupletius, quae operatur omnia? Si autem sensus operatur, quis horum, quae sunt, magis quam illa est artifex? Et, si iustitiam quis diligit, labores huius sunt virtutes: sobrietatem enim et prudentiam docet, iustitiam et fortitudinem, quibus utilius nihil est in vita hominibus. Et, si multam peritiam desiderat quis, scit praeterita et futura conicit, novit versutias sermonum et solutiones aenigmatum, signa et monstra scit, antequam fiant, et eventus momentorum et temporum.

Proposui ergo hanc adducere mihi ad convivendum, sciens quoniam erit mihi consiliaria bonorum et consolatio sollicitudinum et tedium. Habebopropter hanc claritatem ad turbas et honorem apud seniores iuvenis; acutus inveniar in iudicio et in conspectu potentium admirabilis ero. Tacentem me sustinebunt et loquentem me respicient; et, sermoninante me plura, manus ori suo imponent. Habebopropter hanc immortalitatem et memoriam aeternam his, qui post me futuri sunt, relinquam.

Verbum Domini.

PSALMUS RESPONSORIUS Ps 116, 10-11. 12-14. 16-17 (R.: 13)

R. Cálicem salutáris accípiam et nomen Dómini invocábo.

Crédidi, étiam cum locútus sum:

« Ego humiliátus sum nimis ».

Ego dixi in trepidatióne mea:

« Omnis homo mendax ». R.

Quid retribuam Dómino  
pro ómnibus, quæ retribuit mihi?

Cálicem salutáris accípiam  
et nomen Dómini invocábo.

Vota mea Dómino reddam  
coram omni pópulo eius. R.

O Dómine, ego servus tuus,  
ego servus tuus et fílius ancíllæ tuæ.

Dirupísti víncula mea:  
tibi sacrificábo hóstiam laudis  
et nomen Dómini invocábo. R.

ALLELUIA

Hab 3, 18

R. Allelúia. V. Ego autem in Dómino gaudébo  
et exultábo in Deo salvatóre meo.  
R. Allelúia.

EVANGELIUM

*Confíteor tibi, Pater.*

✠ Léctio sancti Evangéllii secúndum Matthæum 11, 25-30

In illo témpore respóndens Iesus dixit:

« Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis. Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium nisi Pater, neque Patrem quis novit nisi Fílius et cui volúerit Fílius reveláre.

Venite ad me, omnes, qui laboratis et onerati estis, et ego reficiam vos. Tollite iugum meum super vos et discite a me, quia mitis sum et humilis corde, et inveniatis requiem animabus vestris. Iugum enim meum suave et onus meum leve est ».

Die 28 ianuarii

S. THOMÆ DE AQUINO  
PRESBYTERI ET ECCLESIAE DOCTORIS

Festum

LECTIO PRIOR

*Super salutem et speciem dilexi sapientiam.*

Lectio libri Sapientiae

7, 7-10. 15-16

Optavi, et datus est mihi sensus; et invocavi, et venit in me spiritus sapientiae; et proposui illam regnis et sedibus, et divitias nihil esse duxi in comparatione illius. Nec comparavi illi lapidem pretiosum, quoniam omne aurum in comparatione illius arena est exigua, et tamquam lutum aestimabitur argentum in conspectu illius.

Super salutem et speciem dilexi illam, et proposui pro luce habere illam, quoniam inexstinguibile est lumen illius.

Mihi autem det Deus dicere secundum sententiam et sentire digna horum quae mihi data sunt, quoniam ipse sapientiae dux est et sapientium emendator. In manu enim illius et nos et sermones nostri, et omnis sapientia et operum scientia et disciplina.

Verbum Domini.

---

Vel:

Eph 3, 8-12: « In gentibus evangelizare investigabiles divitias Christi ».

Mihi omnium sanctorum minimo data est gratia haec ...

---

PSALMUS RESPONSORIUS Ps 36, 3-4. 5-6. 30-31 (R.: 30a)

R. Os iusti meditabitur sapiéntiam.

Spera in Dómino et fac bonitátem,  
et inhabitábis terram et pascéris in fide.

Delectáre in Dómino,  
et dabit tibi petitiónes cordis tui. R.

Commítte Dómino viam tuam et spera in eo,  
et ipse fáciat;  
et edúcet quasi lumen iustítiam tuam,  
et iudícium tuum tamquam merídiem. R.

Os iusti meditabitur sapiéntiam,  
et lingua eius loquétur iudícium;  
lex Dei eius in corde ipsíus,  
et non vacillábunt gressus eius. R.

ALLELUIA

Io 17, 17

R. Allelúia. V. Sanctífica eos in veritáte, sermo tuus véritas est.

R. Allelúia.

Vel:

Cf. Act 16, 14b

R. Allelúia. V. Aperi, Dómine, cor nostrum  
ut intendámus verbis Fílii tui.

R. Allelúia.

EVANGELIUM

*Sanctifica eos in veritate.*

vábam eos in nómine tuo, quod dedísti mihi et custodívi, et nemo ex his périit nisi fílius perditiónis, ut Scriptúra impleátur.

Nunc autem ad te vénio, et hæc loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritáte: sermo tuus véritas est. Sicut me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritáte ».

Verbum Dómini.

---

Vel:

Io 16, 23b-28: « Palam de Patre annuntiabo vobis ».

In illo témpore: Dixit Iesus discíplis suis: Amen, amen dico vobis ...

Vel:

Mt 5, 13-19: « Vos estis lux mundi ».

In illo témpore: Dixit Iesus discíplis suis: Vos estis sal terræ ...

---

# FEBRUARIUS

Die 4 februarii

S. CATHARINÆ DE' RICCI  
VIRGINIS

Memoria obligatoria

LECTIO PRIOR

*Beati qui ad cenam nuptiarum Agni  
vocati sunt.*

Lectio libri Apocalýpsis beáti Ioánnis apóstoli 19, 1. 5-9a

Ego Ioánnes audívi quasi vocem magnam turbæ multæ in cælo dicéntium: « Allelúia! Salus et glória et virtus Deo nostro ».

Et vox de throno exívit dicens: « Laudem dícite Deo nostro, omnes servi eius, et qui timétis eum pusílli et magni! ».

Et audívi quasi vocem turbæ magnæ, et sicut vocem aquárum multárum, et sicut vocem tonítruum magnórum, dicéntium: « Allelúia, quóniam regnávít Dóminus, Deus noster omnípotens. Gaudeámus et exultémus et demus glóriam ei, quia venérunt núptiæ Agni, et uxor eius præparávit se. Et datum est illi ut coopériat se býssinum splendens mundum »; býssinum enim iustificatiónes sunt sanctórum.

Et dicit mihi: « Scribe: Beáti qui ad cenam nuptiárum Agni vocáti sunt! ».

Verbum Dómini.

---

Vel:

Rom 8, 35. 37-39: « Nulla creatura poterit nos separare a caritate Dei, quæ est in Christo ».

Fratres: Quis nos separábit a caritáte Christi? ...

---

## PSALMUS RESPONSORIUS

Ps 26, 1. 4. 5. 8b-9ab. 9cd et 11 (R.: 8b)

R. Fáciem tuam, Dómine, exquíram.

Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini  
et vísitem templum eius. R.Quóniam occultábit me in tentório suo,  
in die malórum.  
Abscóndet me in abscondito tabernáculi sui,  
in petra exaltábit me. R.Fáciem tuam, Dómine, exquíram.  
Ne avértas fáciem tuam a me,  
ne declínes in ira a servo tuo. R.Adiútor meus es tu, ne me reícias,  
neque derelínquas me, Deus salútis meæ.  
Osténde mihi, Dómine, viam tuam,  
et dírige me in sémitam rectam propter inimícos meos. R.

ALLELUIA

Cf. Col 3, 3

R. Allelúia. V. Mórtua sum mundo  
et vita mea est abscondita cum Christo in Deo.  
R. Allelúia.

## EVANGELIUM

*Qui perdidit animam suam propter me  
et Evangelium, salvam faciet eam.*

✠ Lécitio sancti Evangélii secúndum Marcum 8, 34-38. 9, 1

In illo témpore:

Convocáta Iesus turba cum discípulis suis, dixit eis: « Si quis vult post me sequi, déneget seípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me et Evangélium, salvam eam fáciet.

Quid enim pródest hómīni, si lucrétur mundum totum et detriméntum fáciat ánimæ suæ? Quid enim dabit homo commutatiónem pro ánima sua?

Qui enim me confúsus fuérit et mea verba in generatióne ista adúltera et peccatríce, et Fílius hómīnis confundétur eum, cum vénerit in glória Patris sui cum ángelis sanctis ».

Et dicébat illis: « Amen dico vobis: Sunt quidam de hic stántibus, qui non gustábunt mortem, donec vídeant regnum Dei venísse in virtúte ».

Verbum Dómini.

Die 7 februarii

## ANNIVERSARIUM PATRUM ET MATRUM DEFUNCTORUM

## LECTIO PRIOR

*Sive vivimus sive morimur, Domini sumus.*

Lécitio Epístolæ beáti Pauli apóstoli  
ad Romános

14, 7-9. 10b-12

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dómino mórimur: sive ergo vívimus sive mórimur, Dómini sumus. In hoc enim

Christus mórtuus est et vixit, ut et mortuórum et vivórum dominétur.

Omnes stábimus ante tribúnal Dei. Scriptum est enim: « Vivo ego, dicit Dóminus, mihi flectétur omne genu, et omnis lingua confitébitur Deo ».

Itaque unusquísque nostrum pro se ratiónem reddet Deo. Verbum Dómini.

PSALMUS RESPONSORIUS Ps 121, 1-2. 4-5. 6-7. 8-9 (R.: cf. 1)

R. Lætátus sum in his quæ dicta sunt mihi: in domum Dómini íbimus.

Lætátus sum in eo quod dixerunt mihi:

« In domum Dómini íbimus ».

Stantes iam sunt pedes nostri in portis tuis, Ierúsalem. R.

Illuc enim ascendérunt tribus, tribus Dómini, testimónium Israel, ad confiténdum nómini Dómini.

Quia illic sedérunt sedes ad iudícium, sedes domus David. R.

Rogáte quæ ad pacem sunt Ierúsalem. secúri sint diligéntes te.

Fiat pax in muris tuis, et secúritas in túrribus tuis. R.

Propter fratres meos et próximos meos loquar: « Pax in te! »

Propter domum Dómini Dei nostri exquíram bona tibi. R.

ALLELUIA

Io 6, 39

R. Allelúia. ¶. Hæc est volúntas Patris mei, ut omne quod dedit mihi non perdam ex eo, sed resúscitem illud in novíssimo die, dicit Dóminus.

R. Allelúia.

## EVANGELIUM

*Volo ut ubi sum ego et illi sint mecum.*

✠ Lécitio sancti Evangélii secúndum Ioánnem 17, 24-26

In illo témpore:

Sublevátis Iesus óculis in cælum, orávit dicens: « Pater, quod dedísti mihi, volo, ut ubi ego sum, et illi sint mecum, ut vídeant claritátem meam, quam dedísti mihi, quia dilexísti me ante constitutiónem mundi.

Pater iuste, et mundus te non cognóvit; ego autem te cognóvi, et hi cognovérunt quia tu me misísti, et notum feci eis nomen tuum, et notum fáciam, ut diléctio, qua dilexísti me, in ipsis sit, et ego in ipsis ».

Verbum Dómini.

Die 12 februarii

B. REGINALDI DE ORLÉANS

PRESBYTERI

Memoria ad libitum

LECTIO PRIOR

*Quæcumque sancta, hæc cogitate.*

Lécitio Epístolæ beáti Pauli apóstoli ad Philippéenses 4, 4-9

Fratres:

Gaudéte in Dómino semper. Iterum dico: Gaudéte. Modéstia vestra nota sit ómnibus homínibus; Dóminus prope.

Nihil sollíciti sitis; sed in ómnibus oratióne et obsecratióne, cum gratiárum actióne, petitiónes vestræ innotéscant apud Deum, et pax Dei, quæ exsúperat omnem sensum, custódiat corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabilia, quæcúmque bonæ famæ, si qua virtus et si qua laus, hæc cogitáte.

Quæ et didicístis et accepístis et audístis et vidístis in me, hæc ágite, et Deus pacis erit vobíscum.

Verbum Dómini.

PSALMUS RESPONSORIUS Ps 62, 2. 3-4. 5-6. 8-9a (R.: 2b)

R. Sitívit in te ánima mea, Deus meus.

Deus, Deus meus es tu, ad te luce vígilo.  
Sitívit in te ánima mea,  
te desiderávit caro mea. R.

In terra desérta et árida et inaquósa,  
sic in sancto appáruí tibi,  
ut vidérem virtútem tuam et glóriam tuam.  
Quóniam mélior est misericórdia tua super vitas,  
lábía mea laudábunt te. R.

Sic benedícam te in vita mea,  
et in nómine tuo levábo manus meas.  
Sicut ádipe et pinguédine repleátur ánima mea,  
et lábiis exsultatiónis laudábit os meum. R.

Quia fuísti adiútor meus,  
et in velaménto alárum tuárum exsultábo.  
Adhæsít ánima mea post te. R.

ALLELUIA

Phil 4, 4

R. Allelúia. V. Gaudéte in Dómino semper,  
íterum dico gaudéte.

R. Allelúia.

## EVANGELIUM

*Cœpit illos mittere.*

✠ Lēctio sancti Evangēlii secūndum Marcum 6, 7-13

In illo tēpore:

Cónvocat Iesus Duódecim, et cœpit eos mittere binos; et dabat illis potestátem in spíritus immúndos.

Et præcēpit eis ne quid tóllerent in via, nisi virgam tantum: non panem, non peram, neque in zona æs; sed ut calcearentur sandáliis et ne indueréntur duábus túnícis.

Et dicébat eis: « Quocúmque introiérítis in domum, illic manéte donec exeátis inde. Et quicúmque locus non recéperit vos nec audierint vos, exeúntes inde excútite púlverem de pédibus vestris in testimónium illis ».

Et exeúntes prædicavérunt ut pæniténtiam ágerent, et dæmónia multa eiciébant, et ungebant óleo multos ægrótos, et sanábant.

Verbum Dómini.

Die 13 februarii

**B. IORDANI DE SAXONIA  
PRESBYTERI**

Memoria obligatoria

LECTIO PRIOR

*In opus ministerii, in ædificationem corporis Christi.*

Lēctio Epístolæ beáti Pauli apóstoli  
ad Ephésios

4, 1-7. 11-13

Fratres:

Obsecro vos, ego vinctus in Dómino, ut digne ambulétis vocatione, qua vocáti estis, cum omni humilitáte et mansue-

túidine, cum longanimitáte supportántes ínvicem in caritáte; sollíciti serváre unitátem spíritus in vínculo pacis; unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuíque autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres ad instructiόνem sanctórum in opus ministérii, in ædificatióem córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi.

Verbum Dómini.

PSALMUS RESPONSORIUS

Ps 95, 1-2a. 2b-3. 7-8a. 9-10a (R.: Ps 95, 3 vel Mt 28, 19)

R. Annuntiáte in ómnibus pópulis mirabília Dómini.

Vel: Eúntes in mundum, allelúia, docéte omnes gentes, allelúia.

Cantáte Dómino cánticum novum,  
cantáte Dómino, omnis terra.

Cantáte Dómino, benedícite nómini eius. R.

Annuntiáte de die in diem salutáre eius.

Annuntiáte inter gentes glóriam eius,  
in ómnibus pópulis mirabília eius. R.

Afférte Dómino, famíliæ populórum,  
afférte Dómino glóriam et poténtiam,  
afférte Dómino glóriam nóminis eius. R.

Adoráte Dóminum in splendóre sancto.

Contremíscite a fácie eius, univérsta terra,  
dícite in géntibus: « Dóminus regnávít ». R.

ALLELUIA

Lc 4, 18-19

R. Allelúia. V. Evangelizáre paupéribus misit me Dóminus,  
prædicáre captívis remissionem.

R. Allelúia.

## EVANGELIUM

*Messis quidem multa, operarii autem pauci.*

✠ Lécio sancti Evangélli secúndum Lucam

10, 1-9

In illo témpore:

Designávit Dóminus álios septuagínta duos, et misit illos binos ante fáciem suam in omnem civitátem et locum, quo erat ipse ventúrus.

Et dicébat illis: « Messis quidem multa, operárii autem pauci; rogáte ergo Dóminum messis, ut mittat operários in messem suam. Ite; ecce ego mitto vos sicut agnos inter lupos. Nolíte portáre sácculum neque peram neque calceaménta et néminem per viam salutavéritis.

In quamcúmque domum intravéritis primum dícite: “ Pax huic dómui ”. Et si ibi fúerit fílius pacis, requiéscet super illum pax vestra; sin autem, ad vos revertétur.

In eádem autem domo manéte edéntes et bibéntes, quæ apud illos sunt; dignus enim est operárius mercéde sua.

Nolíte transíre de domo in domum. Et, in quamcúmque civitátem intravéritis, et suscepérint vos, manducáte, quæ apponúntur vobis, et curáte infirmos, qui in illa sunt, et dícite illis: “ Appropinquávit in vos regnum Dei ” ».

Verbum Dómini.

Die 18 februarii

**B. IOANNIS DE FIESOLE, seu B. ANGELICI  
PRESBYTERI**

Memoria ad libitum

LECTIO PRIOR

*Sapientia Spiritus, vita et pax.*

Léctio Epístolæ beáti Pauli apóstoli ad Romános 8, 5-11

Qui secúndum carnem sunt, quæ carnis sunt sápiunt; qui vero secúndum Spíritum sunt, quæ sunt Spíritus. Nam sapiéntia carnis mors est, sapiéntia autem Spíritus vita et pax. Quóniam sapiéntia carnis inimicítia est in Deum, legi enim Dei non subícitur, nec enim potest. Qui autem in carne sunt, Deo placére non possunt.

Vos autem in carne non estis, sed in spíritu, si tamen Spíritus Dei hábitat in vobis. Si quis autem Spíritum Christi non habet, hic non est eius. Si autem Christus in vobis est, corpus quidem mórtuum est propter peccátum, spíritus vero vita propter iustítiam. Quod si Spíritus eius qui suscitávit Iesum a mórtuis hábitat in vobis, qui suscitávit Christum a mórtuis vivificábit et mortália córpora vestra per inhabitántem Spíritum suum in vobis.

Verbum Dómini.

PSALMUS RESPONSORIUS

Ps 72, 1, 23-26, 28 (R.: 1b)

R. Quam bonus rectis est Deus,  
Deus his qui mundo sunt corde.

Ego autem semper tecum,  
tenuísti manum délixteram meam.  
In consílio tuo dedúces me,  
et póstea cum glória suscípies me. R.

Quis enim mihi est in cælo?  
 Et tecum nihil vólui super terram.  
 Defécit caro mea et cor meum;  
 Deus cordis mei et pars mea Deus in ætérnum. R.

Mihi autem adhærére Deo bonum est,  
 pónere in Dómino Deo spem meam;  
 ut annúntiem omnes operatiónes tuas  
 in portis filíæ Sion. R.

ALLELUIA

Ps 137, 1b-2

R. Allelúia. V. In conspéctu angelórum psallam tibi,  
 adorábo ad templum sanctum tuum,  
 et confitébor nómini tuo.  
 R. Allelúia.

EVANGELIUM

*Luceat lux vestra coram hominibus.*

✠ Lécitio sancti Evangélii secúndum Matthæum

5, 16; 6, 19-24; 7, 17. 20-21

Dixit Iesus discíplis suis:

Sic lúceat lux vestra coram homínibus, ut vídeant vestra bona ópera et gloríficent Patrem vestrum, qui in cælis est.

Nolíte thesaurizáre vobis thesáuros in terra, ubi ærúgo et tínea demolítur, et ubi fures effódiunt et furántur. Thesaurizáte autem vobis thesáuros in cælo, ubi neque ærúgo neque tínea demolítur, et ubi fures non effódiunt nec furántur. Ubi enim est thesáurus tuus, ibi erit et cor tuum.

Lucérna córporis est óculus. Si ergo fúerit óculus tuus simplex, totum corpus tuum lúcidum erit. Si autem óculus tuus nequam fúerit, totum corpus tuum tenebrósum erit. Si ergo lumen, quod in te est, ténebræ sunt, ténebræ quantæ erunt!

Nemo potest duóbus dóminis servíre: aut enim unum ódio habébit et álterum díliget, aut unum sustinébit et álterum contémnet. Non potéstis Deo servíre et mammónæ.

Omnis arbor bona bonos fructus fácit, mala autem arbor fructus malos facit. Igitur ex frúctibus eórum cognoscétis eos.

Non omnis qui dicit mihi: « Dómine, Dómine » intrábit in regnum cælórum, sed qui facit voluntátem Patris mei, qui in cælis est.

Verbum Dómini.

# APRILIS

Die 5 aprilis

S. VINCENTII FERRER

PRESBYTERI

Memoria obligatoria

LECTIO PRIOR

*Venit hora iudicii eius.*

Lectio libri Apocalýpsis beáti Ioánnis apóstoli 14, 6-7

In diébus illis vidi álterum ángelum volántem per médium cælum, habéntem evangélium ætérnum ut evangelizáret super sedéntes in terra et super omnem gentem et tribum et linguam et pópulum dicens magna voce: « Timéte Deum et date illi glóriam, quia venit hora iudícii eius, et adoráte eum, qui fecit cælum et terram et mare et fontes aquárum ».

Verbum Dómini.

---

Vel, extra T.P.:

Tit 2, 11-14; 3, 3-7: « Pie vivamus exspectantes beatam spem et adventum Dei et Salvatoris nostri Iesu Christi ».

Caríssimi: Appáruit grátia Dei Salvatóris nostri ...

Vel:

Ez 37, 1-14: « Ossa arida, intromittam in vos spiritum, et vivetis ».

In diébus illis: Facta est super me manus Dómini, et edúxit me in

PSALMUS RESPONSORIUS

Ps 97, 5-6. 7-9a. 9bc

R. Venit Dóminus iudicáre pópulos in æquitáte.

Vel: Allelúia.

Psállite Dómino in cíthara,  
 in cíthara et voce psalmi;  
 in tubis ductílibus et voce tubæ córneæ,  
 iubiláte in conspéctu regis Dómini. R.

Sonet mare et plenitúdo eius,  
 orbis terrárum, et qui hábitant in eo.  
 Flúmina plaudent manu,  
 simul montes exsultábunt  
 a conspéctu Dómini, quóniam venit iudicáre terram. R.

Iudicábit orbem terrárum in iustítia  
 et pópulos in æquitáte. R.

ALLELUIA

Mt 28, 19a. 20b

R. Allelúia. V. Eúntes docéte omnes gentes, dicit Dóminus;  
 ecce ego vobíscum sum ómnibus diébus  
 usque ad consummationem sáeculi.  
 R. Allelúia.

Vel:

Lc 21, 36

R. Allelúia. V. Vigiláte, omni témpore orántes,  
 ut digni habeámini stare ante fílium hóminis.  
 R. Allelúia.

## EVANGELIUM

*Euntes in mundum universum, prædicate Evangelium.*

✠ Lécio sancti Evangéllii secúndum Marcum 16, 15-20

In illo témpore dixit Iesus discíplis suis: « Eúntes in  
 mundum univérsum prædicáte Evangelium omni creatúræ.

Qui crediderit et baptizatus fuerit, salvus erit; qui vero non crediderit, condemnabitur. Signa autem eos, qui crediderint, hæc sequentur: in nomine meo dæmonia eicient, linguis loquentur novis, serpentes tollent, et, si mortiferum quid biberint, non eos nocébit, super ægrótos manus impónent et bene habébunt ».

Et Dóminus quidem Iesus, postquam locúsus est eis, assumptus est in cælum et sedit a dextris Dei.

Illi autem profécti prædicavérunt ubique, Dómino cooperante et sermónem confirmante, sequéntibus signis.

Verbum Dómini.

Vel, extra T.P.:

Lc 10, 1-9: « Messis quidem multa, operarii autem pauci ».

In illo témpore: Designávit Dóminus et álios septuaginta duos ...

Die 20 aprilis

S. AGNETIS DE MONTEPULCIANO  
VIRGINIS

Memoria obligatoria

LECTIO PRIOR

*Dignus est Agnus, qui occisus est,  
accipere virtutem et divinitatem.*

Léctio libri Apocalýpsis beáti Ioánnis apóstoli 5, 11-14

Ego, Ioánnes, vidi et audívi vocem angelórum multórum in circúitu throni et animálium et seniórum; et erat númerus eórum myriades myriádum et mília mílium dicéntium voce magna: « Dignus est Agnus, qui occísus est, accíperem virtutem et divítias et sapiéntiam et fortitúdinem et honórem et glóriam et benedictiónem ».

Verbum Dómini.

Vel:

2 Cor 10, 17 - 11, 2: « Despondi vos uni viro, virginem castam exhibere Christo ».

Fratres: Qui gloriátur, in Dómino gloriétur ...

PSALMUS RESPONSORIUS

Ps 44, 11-12. 14-15. 16-17 (R.: cf. Mt 25, 6)

R. Ecce Sponsus venit: exíte óbviam Christo Dómino.

Vel: Allelúia.

Audi, fília, et vide, et inclína aurem tuam,  
et oblivíscere pópulum tuum et domum patris tui;  
et concupíscet rex spéciem tuam.

Quóniam ipse est dóminus tuus, et adóra eum. R.

Gloriósa nimis fília regis intrínsecus,  
textúris áureis circumamícta.

In véstibus variegátis adducétur regi;  
vírgines post eam, próximæ eius, afferúntur tibi. R.

Afferúntur in lætítia et exsultatióne,  
adducúntur in domum regis.

Pro pátribus tuis erunt tibi fílii;  
constítues eos príncipes super omnem terram. R.

ALLELUIA

R. Allelúia. V. Hæc est virgo sápiens,  
quam Dóminus vigilántem invénit;  
veniénte Dómino, intrávit cum eo ad núptias.

R. Allelúia.

## EVANGELIUM

*Abscondisti hæc a sapientibus  
et revelasti ea parvulis.*

✠ Lécitio sancti Evangélii secúndum Matthæum 11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo, et nemo novit Fílium, nisi Pater; neque Patrem quis novit, nisi Fílius et cui volúerit Fílius reveláre.

Veníte ad me, omnes qui laborátis et oneráti estis, et ego refíciam vos.

Tóllite iugum meum super vos, et díscite a me quia mitis sum et húmilis corde; et inveniétis réquiem animábus vestris, iugum enim meum suáve est, et onus meum leve ».

Verbum Dómini.

Die 29 aprilis

S. CATHARINÆ SENENSIS  
VIRGINIS ET ECCLESIAE DOCTORIS

Festum

LECTIO PRIOR

*Dilexit nos et lavit nos a peccatis nostris  
in sanguine suo.*

Lécitio libri Apocalýpsis beáti Ioánnis apóstoli 1, 5-8

Grátia et pax a Iesu Christo, qui est testis fidélis, primogénitus mortuórum et princeps regum terræ. Ei qui díligit nos et solvit nos a peccátiis nostris in sángine suo, et fecit nos regnum, sacerdotés Deo et Patri suo: ipsi glória et impérium in sácula sæculórum. Amen.

Ecce venit cum núbibus, et vidébit eum omnis óculus, et qui eum pupugérunt; et plangent se super eum omnes tribus terræ. Etiam. Amen.

Ego sum alpha et ómega, dicit Dóminus Deus, qui est et qui erat et qui ventúrus est, Omnípotens.

Verbum Dómini.

Vel:

Col 1, 24-29 « Christum nos annuntiamus, commonentes et docentes omnem hominem in omni sapientia ».

Fratres: Gáudeo in passiónibus pro vobis ...

Vel:

1 Io 1, 5 — 2, 2: « Sanguis Christi emundat nos ab omni peccato ».

Caríssimi: Hæc est annuntiatio, quam audívimus a Iesu Christo et annuntiámus vobis ...

PSALMUS RESPONSORIUS

Ps 102, 1-2. 3-4. 8-9. 13-14. 17-18a (R.: 1a)

R. **Bénedic, ánima mea, Dómino.**

Vel: Allelúia.

**Bénedic, ánima mea, Dómino;**  
et ómnia quæ intra me sunt, nómini sancto eius.

**Bénedic, ánima mea, Dómino,**  
et noli oblivísci omnes retributiónes eius. R.

Qui propitiátur ómnibus iniquitatibus tuis,  
qui sanat omnes infirmitates tuas;  
qui rédimit de intéritu vitam tuam,  
qui coronat te in misericórdia et miseratióne. R.

Miserátor et miséricors Dóminus,  
longánimis et multæ misericórdiæ.

Non in perpétuum conténdet,  
neque in ætérnum irascétur. R.

Quómodo miserétur pater filiórum,  
misértus est Dóminus timéntibus se.  
Quóniam ipse cognóvit figméntum nostrum,  
recordátus est quóniam pulvis sumus. R.

Misericórdia autem Dómini ab ætérno  
et usque in ætérnum super timéntes eum,  
et iustítia illíus in filios filiórum;  
in eos qui servant testaméntum eius. R.

Vel:

Ps 21, 23-24. 26-27. 28 et 31-32.

R. (23b): In médio ecclésiæ laudábo te.

Vel: Allelúia.

ALLELUIA

Io 7, 37b

R. Allelúia. V. Si quis sitit véniat ad me.  
R. Allelúia.

Vel:

Io 14, 26

R. Allelúia. V. Spíritus Sanctus docébit vos  
quæcúmque díxero vobis.  
R. Allelúia.

#### EVANGELIUM

*Mea doctrina non est mea sed eius qui misit me.*

✠ Lécio sancti Evangélii secúndum Ioánnem

7, 14b-18. 37b-39

In illo témpore:

Ascéndit Iesus in templum et docébat. Mirabántur ergo Iudæi dicéntes: « Quómodo hic lítteras scit, cum non didícerit? ». Respóndit ergo eis Iesus et dixit: « Mea doctrína non est mea sed eius, qui misit me. Si quis volúerit voluntátem eius fácere, cognóscet de doctrína utrum ex Deo sit, an ego a meípso loquar. Qui a semetípso lóquitur, glóriam pró-

priam quærit; qui autem quærit glóriam eius, qui misit illum, hic verax est, et iniustítia in illo non est ».

In novíssimo autem die magno festivitátis stabat Iesus et clamávit dicens: « Si quis sitit, véniat ad me et bibat, qui credit in me. Sicut dixit Scriptúra, flúmina de ventre eius fluent aquæ vivæ ». Hoc autem dixit de Spírítu, quem accep-túri erant qui credíderant in eum. Nondum enim erat Spírítus, quia Iesus nondum fúerat glorificátus.

Verbum Dómini.

Vel:

Io 17, 1-11: « Tui erant, et mihi eos dedisti, et sermonem tuum servaverunt ».

In illo témpore: Sublevátis Iesus óculis in cælum, dixit: Pater, venit hora, clarífica Fílium tuum ...

Vel:

Io 14, 21-26: « Paraclitus, quem mittet Pater, docebit vos omnia ».

In illo témpore: Dixit Iesus discíplulis suis: Qui habet mandáta mea, et...

Die 30 aprilis

S. PII V

PAPÆ

Memoria obligatoria

LECTIO PRIOR

*Vos Spiritus Sanctus posuit episcopos  
regere Ecclesiam Dei.*

Léctio Actuum Apostolorum

20, 17-18a. 28-32. 36

In diébus illis:

A Miléto Paulus mittens Ephesum convocávit presbýteros Ecclesiæ.

Qui cum veníssent ad eum, dixit eis: « Atténdite vobis et unívérso gregi, in quo vos Spírítus Sanctus pósuit epíscopo-

pos páscere ecclésiám Dei, quam acquisívit ságuine suo. Ego scio quóniam intrábunt, post discessiónem meam, lupi graves in vos, non parcéntes gregi, et ex vobis ipsis exsúrgent viri loquéntes perversa, ut ábstrahant discipulos post se.

Propter quod vigiláte, memória retinéntes quóniam per triénnum nocte et die non cessávi cum lácrimis monens unumquémque vestrum. Et nunc comméndo vos Deo et verbo grátiae ipsíus, qui potens est ædificáre et dare hereditátem in sanctificátis ómnibus ».

Et, cum hæc dixisset, pósitis génibus suis, cum ómnibus illis orávit.

Verbum Dómini.

---

Vel:

1 Cor 2, 1-10a: « Loquimur Dei Sapientiam in mysterio ».

Ego cum veníssem ad vos, fratres ...

---

PSALMUS RESPONSORIUS

Ps 109, 1. 2. 3. 4 (R.: 4bc)

R. Tu es sacérdos in ætérnum  
secúndum órđinem Melchisedech.

Vel: Allelúia.

Dixit Dóminus Dómino meo: « Sede a dextris meis,  
donec ponam inimícos tuos scabéllum pedum tuórum ». R.

Virgam poténtiæ tuæ emíttet Dóminus ex Sion:  
domináre in médio inimicórum tuórum. R.

Tecum principátus in die virtútis tuæ,  
in splendóribus sanctis,  
ex útero ante lucíferum genui te. R.

Iuravit Dóminus et non pænitébit eum:  
« Tu es sacérdos in ætérnum  
secundum órđinem Melchisedech ». R.

ALLELUIA

Io 10, 14

R. Allelúia. V. Ego sum pastor bonus, dicit Dóminus;  
et cognóscó oves meas, et cognóscunt me meæ.  
R. Allelúia.

## EVANGELIUM

*Pasce agnos meos, pasce oves meas.*

✠ Lécctio sancti Evangélii secúndum Ioánnem 21, 15-17

Cum manifestásset se Iesus discípuis suis et prandísset cum eis, dicit Simóni Petro Iesus: « Simon Ioánnis, díligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei íterum sécundo: « Simon Ioánnis, díligis me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas me? », et dicit ei: « Dómine, tu ómnia scis, tu cognóscis quia amo te ».

Dicit ei: « Pasce oves meas ».

Verbum Dómini.

Vel:

Lc 22, 28-32: « Tu aliquando conversus, confirma fratres tuos ».

In illo témpore: Dicit Iesus discípuis suis: Vos estis qui perman-sístis mecum ...

# MAIUS

Die 8 maii

**Patrocinii B. Mariæ Virginis  
supra Ordinem Prædicatorum Universum**

Lectiones inveniuntur (p. 411).

Die 10 maii

**S. ANTONINI DE FIRENZE  
EPISCOPI  
Memoria obligatoria**

LECTIO PRIOR

*Vir sapiens plebem suam erudit.*

Léctio libri Sirácidæ

37, 20-29

Ante ómnia ópera verbum verax præcédat te,  
et ante omnem actum consílium stábile.

Radix consiliórum cor,

ex quo partes quáttuor oriúntur:

bonum et malum, vita et mors;

et dominátrix illórum est assídua lingua.

Est vir perítus multórum erudítor

et ánimæ suæ inútilis est.

Est qui sophístice lóquitur et odíbilis est;

in omni cibo voluptátis defraudábitur.

Non est illi data a Dómino grátia:

omni enim sapiéntia defraudátus est.

Est sápiens ánimæ suæ sápiens,  
 et fructus sensus illíus super corpus suum.  
 Vir sápiens plebem suam érudit,  
 et fructus sensus illíus fidéles sunt.  
 Vir sápiens implébitur benedictiónibus,  
 et omnes vidéntes illum beátum dicent.  
 Vita viri in numero diérum;  
 dies autem Israel innumerábiles sunt.  
 Sápiens in pópulo hereditábit honórem,  
 et nomen illíus erit vivens in ætérnum.  
 Verbum Dómini.

Vel:

Iac 3, 13-18: « Fructus iustitiæ in pace seminatur, facientibus pacem ».  
 Caríssimi: Quis sápiens et disciplinátus inter vos? ...

PSALMUS RESPONSORIUS Ps 118, 9. 10. 11. 12. 13. 14 (R.: 12b)

R. Doce me, Dómine, iustificatiónes tuas.

Vel: Allelúia.

In quo mundábit adulescéntior viam suam?

In custodiéndo sermónes tuos. R.

In toto corde meo exquisívi te,  
 ne erráre me fácias a præcéptis tuis. R.

In corde meo abscóndi elóquia tua,  
 ut non peccem tibi. R.

Benedíctus es, Dómine;  
 doce me iustificatiónes tuas. R.

In lábiis meis  
 numerávi ómnia iudícia oris tui. R.

In via testimoniórum tuórum delectátus sum  
 sicut in ómnibus divítiis. R.

ALLELUIA

Mt 24, 42a-44

R. Allelúia. V. Vigiláte et estóte paráti;  
 quia qua nescítis hora  
 Fílius hóminis ventúrus est.  
 R. Allelúia.

EVANGELIUM

*Beati servi, quos, cum venerit dominus,  
 invenerit vigilantes.*

✠ Lécctio sancti Evangéllii secúndum Lucam 12, 35-44

In illo témpore:

Dixit Iesus discípulis suis: « Sint lumbi vestri præcíncti et lucérnæ ardéntes, et vos símiles homínibus exspectántibus dóminum suum, quando revertátur a núptiis; ut, cum vénerit et pulsáverit, conféstim apérianit ei.

Beáti servi illi, quos, cum vénerit dóminus, invénerit vigílantes; amen dico vobis, quod præcínget se, et fáciét illos discúmbere, et tránsiens ministrábit illis. Et, si vénerit in secúnda vigília et si in tértia vigília vénerit et ita invénerit, béati sunt illi.

Hoc autem scitóte quia, si sciret paterfamílias qua hora fur veníret, non síneret pérfodi domum suam. Et vos estóte paráti, quia, qua hora non putátis, Fílius hóminis véniet ».

Ait autem ei Petrus: « Dómine, ad nos dicis hanc parábolum, an et ad omnes? ».

Dixit autem Dóminus: « Quis, putas, est fidélis dispensátor et prudens, quem constitúit dóminus supra famíliam suam, ut det illi in témpore trítici mensúram? Beátus ille servus, quem, cum vénerit dóminus, invénerit ita faciéntem. Vere dico vobis: supra ómnia quæ póssidet constitúet illum ».

Verbum Dómini.

Die 24 maii

TRANSLATIONIS S. P. DOMINICI

Memoria obligatoria

LECTIO PRIOR

Tempore paschali præsertim:

*Cor unum et anima una.*

Léctio Actuum Apostolorum

4, 32-35

In diébus illis:

Multitúdinis credéntium erat cor et ánima una, nec quisquam eórum, quæ possidébant, áliquid suum esse dicébat, sed erant illis ómnia commúnia. Et virtúte magna reddébant apóstoli testimónium resurrectiόνis Dómini Iesu, et grátia magna erat super ómnibus illis. Neque enim quisquam egens erat inter illos; quotquot enim possessóres agrórum aut domórum erant, vendéntes afferébant prétia eórum, quæ vendébant, et ponébant ante pedes apostolorum; dividebátur autem síngulis, prout cuíque opus erat.

Verbum Dómini.

Vel, extra T.P.:

Is 52, 7-10: « Videbunt omnes fines terræ salutare Dei nostri ».

Quam pulchri super montes pedes annuntiántis et prædicántis pacem ...

Vel ut in festo principali, die 8 augusti (p. 353).

PSALMUS RESPONSORIUS

Ps 15, 1-2a et 5. 7-8. 11

R. Tu es, Dómine, pars hereditátis meæ.

Vel: Allelúia.

Consérva me, Deus, quóniam sperávi in te.

Dixi Dómino: Dóminus meus es tu,

Dóminus pars hereditátis meæ et cálicis mei:  
tu es qui détines sortem meam. R.

Benedícam Dóminum, qui tribuit mihi intelléctum;  
insuper et in nóctibus erudiérunt me renes mei.  
Proponébam Dóminum in conspéctu meo semper;  
quóniam a dextris est mihi, non commovébor. R.

Notas mihi fácies vias vitæ,  
plenitúdinem lætítiæ cum vultu tuo,  
delectatiónes in dèxtera tua usque in finem. R.

---

Vel:

Ps 95, 1-2a. 2b-3. 7-8a. 10.

R. (3): Annuntiáte in ómnibus pópulis mirabília Dómini.

---

#### SEQUENTIA

Sequentia ad libitum.

Laudes Patri Domínico  
personémus mirífico  
voce plena.

Clama petens suffrágia,  
eius sequens vestígia,  
plebs egéna.

Sed tu, Pater pie, bone,  
pastor gregis et patróné,  
prece semper sédula.

Apud sedem summi Regis,  
tam dilécti vices gregis  
ádiuva per sæcula.

Allelúia.

ALLELUIA

Mt 28, 19a. 20b

R. Allelúia. V. Eúntes docéte omnes gentes, dicit Dóminus;  
ego vobíscum sum ómnibus diébus  
usque ad consummationem sáculi.  
R. Allelúia.

Vel:

R. Allelúia. V. Pie Pater Domínice, tuórum memor óperum,  
sta coram summo iúdice pro tuo cœtu páuperum.  
R. Allelúia.

## EVANGELIUM

*Euntes docete omnes gentes.*

✠ Lécio sancti Evangélii secúndum Matthæum 28, 16-20

In illo témpore:

Undecim discípuli abiérunt in Galilæam, in montem ubi constitúerat illis Iesus, et vidéntes eum adoravérunt; quidam autem dubitavérunt. Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in nómine Patris et Fílii et Spíritus Sancti, docéntes eos serváre ómnia, quæcúmque mandávi vobis. Et ecce ego vobíscum sum ómnibus diébus usque ad consummationem sáculi ».

Verbum Dómini.

# IUNIUS

Die 4 iunii

S. PETRI DE VERONA  
PRESBYTERI ET MARTYRIS

Memoria obligatoria

LECTIO PRIOR

*Omnes qui pie volunt vivere in Christo Iesu  
persecutionem patientur.*

Lectio Epistolæ secundæ beāti Pauli apóstoli  
ad Timótheum

2, 3-13

Caríssime: collabora sicut bonus miles Christi Iesu. Nemo militans implicat se sæculi negotiis, ut ei placeat, qui eum elégit; si autem certat quis agóne, non coronátur nisi legitime certáverit. Laborántem agricolam opórtet primum de frúctibus accípere. Intéllege, quæ dico; dabit enim tibi Dóminus in ómnibus intelléctum.

Memor esto Iesum Christum resuscitátum esse a mórtuis, ex sémine David, secúndum evángelium meum, in quo labóro usque ad víncula quasi male óperans, sed verbum Dei non est alligátum! Ideo ómnia sustíneo propter eléctos, ut et ipsi salútem consequántur, quæ est in Christo Iesu cum glória æténa. Fidélis sermo: Nam si commórtui sumus, et convívemus; si sustinémus, et conregnábimus; si negábimus, et ille negábit nos; si non crédimus, ille fidélis manet, negáre enim seípsum non potest.

Verbum Dómini.

Vel:

Act 7, 55-60: « Domine Iesu, suscipe spiritum meum ».

In diébus illis: Cum esset Stéphanus plenus Spíritu Sancto ...

PSALMUS RESPONSORIUS

Ps 30, 3cd-4. 6 et 8ab. 16bc-17 (R.: 6a)

R. In manus tuas, Dómine, comméndo spírítum meum.

Vel: Allelúia.

Esto mihi in rupem præsidii et in domum munitam,  
ut salvum me fácias.

Quóniam fortitúdo mea et refúgium meum es tu,  
et propter nomen tuum dedúces me et pasces me. R.

In manus tuas comméndo spírítum meum;  
redemísti me, Dómine, Deus veritátis.

Exsultábo et lætábor in misericórdia tua,  
quóniam respexísti humilitátem meam. R.

Eripe me de manu inimicórum meórum  
et a persecuéntibus me;  
illústra fáciem tuam super servum tuum,  
salvum me fac in misericórdia tua. R.

ALLELUIA

1 Petr 4, 14

R. Allelúia. V. Si exprobrámini in nómine Christi  
beáti éritis,  
quóniam Spírítus Dei super vos requiéscit.  
R. Allelúia.

Vel, extra T.P.:

Mt 5, 10

R. Allelúia. V. Beáti qui persecutiónem patiúntur  
propter iustítiam  
quóniam ipsórum est regnum cælórum.  
R. Allelúia.

## EVANGELIUM

*Si me persecuti sunt, et vos persequentur.*

✠ Lécio sancti Evangélii secúndum Ioánnem 15, 18-21

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus, quod suum est, dilígeret; quia vero de mundo non estis, sed ego elégi vos de mundo, proptérea odit vos mundus.

Mementóte sermónis, quem ego dixi vobis: "Non est servus maior dómno suo".

Si me persecúti sunt, et vos persequéntur; si sermónem meum servavérunt, et vestrum servábunt. Sed hęc ómnia fácient vobis propter nomen meum, quia nésciunt eum qui misit me ».

Verbum Dómini.

Vel:

Lc 12, 4-9: « Ne terreamini ab his qui occidunt corpus ».

In illo témpore: Dixit Iesus discíplis suis: Dico vobis amícis meis: Ne terreámini ...

Die 8 iunii

**BB. DIANÆ ET CÆCILIÆ  
VIRGINUM**

Memoria ad libitum

LECTIO PRIOR

*Quæ sursum sunt sapite, non quæ super terram.*

Lécio Epístolæ beáti Pauli apóstoli  
ad Colossénses

3, 1-4

Fratres:

Si conresurrexístis Christo, quæ sursum sunt quærite, ubi Christus est in dextera Dei sedens; quæ sursum sunt sápite, non quæ supra terram.

Mórtui enim estis, et vita vestra abscondita est cum Christo in Deo.

Cum Christus apparúerit, vita vestra, tunc et vos apparebitis cum ipso in glória.

Verbum Dómini.

Vel, T.P.:

Ap 19, 1. 5-9a: « Beati qui ad cenam nuptiarum Agni vocati sunt ». Ego Ioánnes audívi quasi vocem turbárum in cælo dicéntium: Allelúia, salus et glória ...

PSALMUS RESPONSORIUS Ps 62, 2. 3-4. 5-6. 8-9 (R.: 2b)

R. Sitívit in te ánima mea, Deus meus.

Vel: Allelúia.

Deus, Deus meus es tu, ad te de luce vígilo.

Sitívit in te ánima mea,  
te desiderávit caro mea. R.

In terra desérta et árida et inaquósa,  
sic in sancto appáruí tibi,  
ut vidérem virtútem tuam et glóriam tuam.  
Quóniam mélior est misericórdia tua super vitas,  
lábía mea laudábunt te. R.

Sic benedícam te in vita mea,  
et in nómine tuo levábo manus meas.  
Sicut ádipe et pinguédine repleátur ánima mea,  
et lábiis exsultatiónis laudábit os meum. R.

Quia fuísti adiutor meus,  
 et in velamento alarum tuarum exsultabo.  
 Adhæsit anima mea post te,  
 me suscepit dextera tua. R.

ALLELUIA

Lc 11, 28

R. Allelúia. V. Beáti qui áudiunt verbum Dei  
 et custódiunt illud.  
 R. Allelúia.

EVANGELIUM

*Ecce Sponsus venit: exite obviam ei.*

✠ Lécio sancti Evangélii secúndum Matthæum 25, 1-13

In illo témpore:

Dixit Iesus discipulis suis parabolam hanc: « Símile erit regnum cælórum decem virgínibus, quæ accipiéntes lámpades suas exiérunt óbviam sponso. Quinque autem ex eis erant fátuæ et quinque prudéntes. Fátuæ enim, accéptis lampádis suis, non sumpsérunt óleum secum; prudéntes vero acceperunt óleum in vasis cum lampádibus suis.

Moram autem faciénte sponso, dormitavérunt omnes et dormiérunt.

Média autem nocte clamor factus est: “ Ecce sponsus! Exíte óbviam ei”. Tunc surrexérunt omnes vírgines illæ et ornavérunt lámpades suas.

Fátuæ autem sapiéntibus dixérunt: “ Date nobis de óleo vestro, quia lámpades nostræ exstinguúntur ”.

Respondérunt prudéntes dicéntes: “ Ne forte non suffíciat nobis et vobis, ite pótius ad vendéntes et émite vobis ”.

Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novissime vero véniunt et réliquæ vírgines dicétes: “ Dómine, dómine, áperi nobis ”. At ille respóndens ait: “ Amen, dico vobis, néscio vos ”.

Vigiláte ítaque, quia nescítis diem neque horam ».

Verbum Dómini.

Die 10 iunii

B. IOANNIS DOMINICI

EPISCOPI

Memoria ad libitum

LECTIO PRIOR

*Bonum depositum custodi per Spiritum Sanctum.*

Léctio Epístolæ secúndæ beáti Pauli apóstoli

ad Timótheum

1, 13-14; 2, 1-3

Caríssime:

Formam habe sanórum verbórum, quæ a me audísti, in fide et dilectióne quæ sunt in Christo Iesu. Bonum depósitum custódi per Spíritum Sanctum, qui hábitat in nobis.

Tu ergo, fili mi, confortáre in grátia, quæ est in Christo Iesu; et quæ audísti a me per multos testes, hæc comménda fidélibus homínibus, qui idónei erunt et álios docére.

Collábora sicut bonus miles Christi Iesu.

Verbum Dómini.

PSALMUS RESPONSORIUS

Ps 88, 2-3. 4-5. 21-22. 25 et 27 (R.: cf. 2a)

R. Misericórdias tuas, Dómine, in ætérnum cantábo.

Misericórdias Dómini in ætérnum cantábo,  
in generatióem et generatióem

annuntiábo veritátem tuam in ore meo.

Quóniam dixisti: « In ætérnum misericórdia ædificábitur »,  
in cælis firmábitur véritas tua. R.

Depósui testaméntum elécto meo,  
iurávi David servo meo:

Usque in ætérnum confirmábo semen tuum,  
et ædificábo in generatiónem et generatiónem  
sedem tuam. R.

Invéni David servum meum;  
óleo sancto meo unxi eum.  
Manus enim mea firma erit cum eo,  
et bráccium meum confortábit eum. R.

Et véritas mea et misericórdia mea cum ipso  
et in nómine meo exaltábitur cornu eius.  
Ipse invocábit me: Pater meus es tu,  
Deus meus et refúgium salutis meæ. R.

ALLELUIA

Io 15, 15b

R. Allelúia. V. Vos dixi amícos, dicit Dóminus,  
quia ómnia quæcúmque audívi a Patre meo  
nota feci vobis.  
R. Allelúia.

EVANGELIUM

*Posui vos, ut eatis et fructum afferatis.*

✠ Lécio sancti Evangélii secúndum Ioánnem 15, 9-17

In illo témpore:

Dixit Iesus discíplis suis: « Sicut diléxit me Pater, et  
ego diléxi vos; manéte in dilectiône mea. Si præcépta mea  
servavéritis, manébitis in dilectiône mea, sicut ego Patris  
mei præcépta servávi et máneo in eius dilectiône. Hæc locú-

tus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos; maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si fecéritis, quæ ego præcípio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia, quæ audivi a Patre meo, nota feci vobis.

Non vos me elegístis; sed ego elégi vos et pósui vos, ut vos eátis et fructum afferátis, et fructus vester máneat, ut quodcúmque petiérítis Patrem in nómine meo, det vobis.

Hæc mando vobis, ut diligátis ínvicem ».

Verbum Dómini.

# IULIUS

Die 9 iulii

SS. IOANNIS DE KÖLN  
PRESBYTERI ET SOCIORUM, MARTYRUM

Memoria obligatoria

LECTIO PRIOR

*Sapientia certamen forte dedit illi ut vinceret.*

Lectio libri Sapientiae 10, 9-12

Sapientia hos, qui eam observant, a laboribus liberavit.

Haec profugum irae fratris iustum

deduxit per vias rectas

et ostendit illi regnum Dei

et dedit illi scientiam sanctorum;

honestavit illum in laboribus

et complavit labores illius.

In avaritia circumvenientium illum affuit illi

et honestum fecit illum.

Custodivit illum ab inimicis

et ab insidiantibus tutavit illum;

et post certamen forte bravium dedit illi,

ut sciret quoniam omnium potentior est pietas.

Verbum Domini.

---

Vel:

2 Cor 6, 4-10: « Quasi morientes, et ecce vivimus ».

Fratres: In omnibus exhibeamus nosmetipsos sicut Dei ministros ...

---

PSALMUS RESPONSORIUS Ps 125, 1-2ab. 2cd-3. 4-5. 6 (R.: 5)

R. Qui séminant in lácrimis, in exsultatióne metent.

In converténdo Dóminus captivitátem Sion,  
facti sumus quasi somniántes.

Tunc replétum est gáudio os nostrum,  
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

Magnificávit Dóminus fácere nobíscum;  
facti sumus lætántes. R.

Convérte, Dómine, captivitátem nostram,  
sicut torréntes in austro.

Qui séminant in lácrimis,  
in exsultatióne metent. R.

Eúntes ibant et flebant,  
semen spargéndum portántes;  
veniéntes autem vénient in exsultatióne,  
portántes manípulos suos. R.

ALLELUIA

1 Petr 4, 14

R. Allelúia. V. Si exprobrámini in nómine Christi,  
beáti éritis,  
quóniam Spíritus Dei super vos requiéscit.  
R. Allelúia.

EVANGELIUM

*Beati eritis cum vos oderint homines.*

✠ Lectio sancti Evangélii secúndum Lucam 6, 22-28

In illo témpore:

Dixit Iesus discípulis suis: « Beáti éritis, cum vos óderint  
hómnes et cum separáverint vos et exprobráverint et eiéce-

rint nomen vestrum tamquam malum propter Filium hóminis. Gaudéte in illa die et exsultáte, ecce enim merces vestra multa in cælo; secúndum hæc enim faciébant prophétis patres eórum.

Verúmtamen væ vobis divítibus, quia habétis consolatió-nem vestram.

Væ vobis, qui saturáti estis nunc, quia esuriétis.

Væ vobis, qui ridétis nunc, quia lugébitis et flébitis.

Væ, cum bene vobis díxerint omnes hómines; secúndum hæc enim faciébant pseudoprophétis patres eórum.

Sed vobis dico, qui audítis: Dilígite inimícos vestros, bene fácite his, qui vos odérunt, benedicite maledicéntibus vobis, oráte pro calumniántibus vos ».

Verbum Dómini.

Die 17 iulii

B. CESLAI DE POLONIA

PRESBYTERI

Memoria ad libitum

LECTIO PRIOR

*Deus omnes homines vult salvos fieri.*

Léctio Epístolæ primæ beáti Pauli apóstoli  
ad Timótheum

2, 1-8

Caríssime:

Obsecro primo ómnium fieri obsecratiónes, orationes, postulatiónes, gratiárum actiões pro ómnibus homínibus: pro régibus et ómnibus qui in sublimitáte sunt, ut quiétam et tranquíllam vitam agámus in omni pietáte et castitáte.

Hoc bonum est et accéptum coram salvatóre nostro Deo, qui omnes hómines vult salvos fíeri et ad agnitiónem veritátis veníre.

Unus enim Deus, unus et mediátor Dei et hóminum, homo Christus Iesus, qui dedit redemptiónem semetípsum pro ómnibus, testimónium tempóribus suis; in quod pósito sum ego prædicátor et apóstolus (veritátem dico, non méntior), doctor géntium in fide et veritáte.

Volo ergo viros oráre in omni loco, levántes puras manus sine ira et disceptatióne.

Verbum Dómini.

PSALMUS RESPONSORIUS

Ps 66, 2-3. 5. 7-8 (R.: 4)

R. Confiteántur tibi pópuli, Deus,  
confiteántur tibi pópuli omnes.

Deus misereátur nostri et benedícat nobis,  
illúminet vultum suum super nos.

Ut cognoscátur in terra via tua,  
in ómnibus géntibus salutáre tuum. R.

Læténtur et exsúltent gentes,  
quóniam iúdicas pópulos in æquitáte,  
et gentes in terra dírigis. R.

Terra dedit fructum suum;  
benedícat nos Deus, Deus noster;  
benedícat nos Deus,  
et métuant eum omnes fines terræ. R.

ALLELUIA

Cf. Io 3, 16

R. Allelúia. √. Sic Deus diléxit mundum,  
ut Fílium suum unigénitum daret;  
omnis qui credit in eum,  
habet vitam ætérrnam.

R. Allelúia.

## EVANGELIUM

*Oportebat prædicari in nomine eius pœnitentiam  
et remissionem peccatorum in omnes gentes.*

✠ Lécctio sancti Evangélii secúndum Lucam 24, 44-53

In illo témpore:

Dixit Iesus ad discípulos suos: « Hæc sunt verba quæ locútus suñ ad vos, cum adhuc essem vobiscum, quóniam necesse est impléri ómnia quæ scripta sunt in lege Móysis et prophétis et psalmis de me ». Tunc apéruit illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgerere a mórtuis tértia die, et prædicári in nómine eius pœniténtiam in remissionem peccatórum in omnes gentes, incipiéntibus ab Ierúsalem. Vos autem testes estis horum.

Et ecce ego mitto promíssum Patris mei in vos; vos autem sedéte in civitáte, quoadúsque induámini virtúte ex alto ».

Edúxit autem eos foras usque in Bethániam; et elevátis mánibus suis benedíxit eis.

Et factum est, dum benedíceret illis, recéssit ab eis et ferebátur in cælum.

Et ipsi adoravérunt eum et regréssi sunt in Ierúsalem cum gáudio magno; et erant semper in templo benedicétes Deum.

Verbum Dómini.

# AUGUSTUS

Die 2 augusti

B. IOANNÆ  
MATRIS S. P. DOMINICI  
Memoria ad libitum

LECTIO PRIOR

*Unusquisque, sicut accepit gratiam, in alterutrum  
illam administrantes.*

Lectio Epistolæ primæ beāti Petri apóstoli 4, 7b-11

Caríssimi:

Estóte prudéntes et vigiláte in oratió nibus.

Ante ómnia mútuam in vosmetípsos caritátem contínuam habéntes, quia cáritas óperit multítudinem peccatórum; hospítales ínvicem sine murmuratióne; unusquisque, sicut accépit donatióne, in alterutrum illam administrátes, sicut boni dispensatóres multifórmis grátiae Dei.

Si quis lóquitur, quasi sermónes Dei; si quis mínistrat, tamquam ex virtúte quam largítur Deus, ut in ómnibus glorificétur Deus per Iesum Christum, cui est glória et impérium in sácula sæculórum. Amen.

Verbum Dómini.

PSALMUS RESPONSORIUS

Ps 130, 1. 2. 3

R. Custódi ánimam meam in pace apud te, Dómine.

Dómine, non est exaltátum cor meum,  
neque eláti sunt óculi mei;

neque ambulávi in magnis,  
neque in mirabílibus super me. R.

Vere pacátam et quiétam  
feci ánimam meam;  
sicut ablactátus in sinu matris suæ,  
sicut ablactátus, ita in me est ánima mea. R.

Speret Israel in Dómino,  
ex hoc nunc et usque in sæculum. R.

ALLELUIA

Cf. Io 8, 31

R. Allelúia. V. Si manséritis in sermóne meo,  
vere discípuli mei éritis  
et cognoscétis veritátem, dicit Dóminus.  
R. Allelúia.

EVANGELIUM

*Qui fecerit voluntatem Dei,  
hic frater meus et soror mea et mater est.*

✠ Lécitio sancti Evangélii secúndum Marcum 3, 31-35

In illo témpore:

Véniunt mater Iesu et fratres; et foris stantes misérunt  
ad eum vocántes eum.

Et sedébat circa eum turba, et dicunt ei: « Ecce mater  
tua et fratres tui et soróres tuæ foris quærunte te ».

Et respóndens eis ait: « Quæ est mater mea et fratres  
mei? »

Et circumspíciens eos, qui in circúitu eius sedébant, ait:  
« Ecce mater mea et fratres mei. Qui enim fécerit voluntá-  
tem Dei, hic frater meus et soror mea et mater est ».

Verbum Dómini.

Die 8 augusti

**S. PATRIS DOMINICI  
PRESBYTERI**

Sollemnitas

LECTIO PRIMA

*Videbunt omnes fines terræ salutare Dei nostri.*

Lectio libri Isaíæ prophétæ

52, 7-10

Quam pulchri super montes pedes annuntiántis, prædicántis pacem, annuntiántis bonum, prædicántis salutem, dicéntis Sion: « Regnávít Deus tuus! ».

Vox speculatórum tuórum: levavérunt vocem, simul exsultábunt, quia óculo ad óculum vidébunt cum redierit Dóminus ad Sion. Gaudéte et exsultáte simul, déserta Ierúsalem, quia consolátus est Dóminus pópulum suum, redémit Ierúsalem.

Nudávit Dóminus brácchium sanctum suum in óculis ómnium géntium, et vidébunt omnes fines terræ salutare Dei nostri.

Verbum Dómini.

PSALMUS RESPONSORIUS Ps 95, 1-2a. 2b-3. 7-8a. 10 (R.: 3)

R. Annuntiáte in ómnibus pópulis mirabília Dómini.

Cantáte Dómino cánticum novum,  
cantáte Dómino, omnis terra.

Cantáte Dómino, benedícite nómini eius. R.

Annuntiáte de die in diem salutare eius.

Annuntiáte inter gentes glóriam eius,  
in ómnibus pópulis mirabília eius. R.

Afférte Dómino, famíliæ populórum,  
afférte Dómino glóriam et poténtiam,  
afférte Dómino glóriam nóminis eius. R.

Dícite in géntibus: « Dóminus regnávít ».  
Etenim corréxit orbem terræ qui non commovébitur;  
iudicábit pópulos in æquitáte. R.

LECTIO SECUNDA

*Opus fac evangelistæ. Ego enim iam delibor,  
et reddet mihi Dominus coronam iustitiæ.*

Léctio Epístolæ secúndæ beáti Pauli apóstoli  
ad Timótheum

4, 1-8

Caríssime:

Testíficor coram Deo et Iesu Christo, qui iudicatúrus est vivos et mórtuos, per advéntum ipsíus et regnum eius: prædica verbum, insta oportúne, importúne; árgue, óbsecra, increpa in omni patiéntia et doctrína. Erit enim tempus cum sanam doctrínam non sustinébunt, sed ad sua desidéria coacervábunt sibi magístros pruriéntes áuribus, et a veritáte quidem audítum avértent, ad fábulas autem converténtur. Tu vero vígila in ómnibus, labóra, opus fac evangelistæ, ministérium tuum imple.

Ego enim delíbor, et tempus meæ resolutiόνis instat. Bonum certámen certávi, cursum consummávi, fidem servávi; in réliquo repósita est mihi iustítiæ coróna, quam reddet mihi Dóminus in illa die, iustus iudex, non solum autem mihi sed et ómnibus qui díligunt advéntum eius.

Verbum Dómini.

## SEQUENTIA \*

1. In cælésti hierarchía  
nova sonet harmonía,  
novo ducta cántico.
2. Cui concórdet in hac via  
nostri chori melodía  
laudem dans Domínico.
3. In fiscélla paupertátis  
virum suæ voluntátis  
vocat Auctor sæculi.
4. Lucem ferens veritátis,  
igne quoque caritátis  
fidem fovet pópuli.
- \* 5. A defúntis revocátum,  
matri vivum reddit natum  
vivens adhuc córpore.
- \* 6. Signo crucis imber cedit,  
turba fratrum panem edit  
missum Dei múnere.
7. Felix, per quem gáudia  
tota iam Ecclésia  
sumens exaltátur.
8. Orbem replet sémine:  
in cælórum ágmine  
tandem collocátur.

\* Ad libitum sequentia adhiberi potest in cantu forma *abbreviata*, vel forma *reducta*. Forma abbreviata, incipiendo a stropha 13, mutato tamen ergo in Patri (*Laudes Patri Domínico*).

Forma reducta, unam alteramve sectionem ex duabus (5-6 vel 11-12) omit-  
tendo, propria quidem unicuique sectioni melodia servata.

9. Iacet granum occultatum,  
sidus latet obumbratum  
in salutem gentium.
  10. Ossa namque pullulare,  
sidus iubet radiare  
Rex plasmator omnium.
  - \* 11. O quam probat carnis florem,  
omnem superans odorem,  
tumuli fragrantia!
  - \* 12. Ægri currunt et curantur  
cæci, claudi reparantur  
eius mira potentia.
  13. Laudes ergo [Patri] Domínico  
personemus mirífico,  
voce plena.
  14. Clama petens suffragia,  
eius sequens vestigia,  
plebs egena.
  15. Sed tu, Pater pie, bone  
pastor gregis et patrone,  
prece semper sedula,
  16. Apud sedem summi Regis,  
tam dilecti vices gregis  
adiuva per sæcula.
-

Vel: Cf. Mt 5, 16

R. Allelúia. V. Sic lúceat lux vestra coram homínibus,  
ut vídeant ópera vestra bona  
et gloríficent Patrem vestrum.

R. Allelúia.

Vel:

R. Allelúia. V. Pie pater Domínice, tuórum memor óperum,  
sta coram summo iúdice pro tuo cœtu páuperum.

R. Allelúia.

#### EVANGELIUM

*Vos estis lux mundi.*

✠ Lécio sancti Evangélii secúndum Matthæum 5, 13-19

In illo témpore:

Dixit Iesus discíplis suis: « Vos estis sal terræ; quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab homínibus.

Vos estis lux mundi. Non potest cívitas abscóndi supra montem pósita. Neque accéndunt lucérnam et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona et gloríficent Patrem vestrum, qui in cælis est.

Nolíte putáre quóniam veni sólvare legem aut prophétas: non veni sólvare, sed adimplére. Amen quippe dico vobis, donec tránseat cælum et terra, iota unum aut unus apex non præteríbit a lege donec ómnia fiant. Qui ergo sólverit unum de mandátis istis mínimis et docúerit sic hómnes, mínimus vocábitur in regno cælórum; qui autem fécerit et docúerit, hic magnus vocábitur in regno cælórum ».

Verbum Dómini.

Vel:

Mt 28, 16-20: « Euntes docete omnes gentes ».

In illo tempore: Undecim discipuli abiérunt in Galiléam ...

Vel:

Lc 10, 1-9: « Messis quidem multa, operarii autem pauci ».

In illo tempore: Designávit Dóminus et álios septuagínta duos ...

Die 17 augusti

S. HYACINTHI DE POLONIA

PRESBYTERI

Memoria obligatoria

LECTIO PRIOR

*Volebamus tradere non solum Evangelium,  
sed etiam animas nostras.*

Léctio Epístolæ primæ beáti Pauli apóstoli  
ad Thessalonicenses

2, 2b-8

Fratres:

Fidúciam habúimus in Deo nostro loqui ad vos evangé-  
lium Dei in multa sollicitú-dine. Exhortátio enim nostra non  
ex erróre neque ex immundítia neque in dolo, sed sicut pro-  
báti sumus a Deo, ut crederétur nobis evangé-lium, ita lóqui-  
mur non quasi homínibus placé-ntes sed Deo, qui probat  
corda nostra.

Neque enim aliquá-ndo fúimus in sermó-ne adulatiónis,  
sicut scitis, neque sub præ-textu avarítia, Deus testis, nec  
quæ-réntes ab homínibus gló-riam, neque a vobis neque ab  
áliis, cum possí-mus ó-neri esse ut Christi apóstoli, sed facti  
sumus párvuli in mé-dio vestrum, tamquam si nutrix fó-veat  
fílios suos.

Ita desiderántes vos, cúpide volebámus trádere vobis non solum evangélium Dei, sed étiam ánimas nostras, quóniam caríssimi nobis facti estis.

Verbum Dómini.

Vel:

Is 6, 1-8: « Quem mittam? et quis ibit nobis? ».

In anno quo mórtuus est rex Ozías, vidi Dóminum sedéntem ...

PSALMUS RESPONSORIUS

Ps 116, 1. 2 (R.: Mc 16, 15)

R. Eúntes in mundum univérsum, prædicáte Evangélium.

Laudáte Dóminum, omnes gentes,  
collaudáte eum, omnes pópuli. R.

Quóniam confirmáta est super nos misericórdia eius,  
et véritas Dómini manet in ætérnum. R.

ALLELUIA

Mt 28, 19a. 20b

R. Allelúia. V. Eúntes docéte omnes gentes, dicit Dóminus;  
ego vobíscum sum ómnibus diébus  
usque ad consummationem sáculi.  
R. Allelúia.

EVANGELIUM

*Euntes prædicate, quia appropinquavit  
regnum cælorum.*

✠ Lécio sancti Evangélii secúndum Matthæum 10, 7-13

In illo témpore: Dixit Iesus Apóstolis suis:

« Eúntes prædicáte, dicétes: Appropinquávit regnum  
cælorum. Infírmos curáte, mórtuos suscitáte, leprósos munda-  
táte, dámones eícite: gratis accepístis, gratis date.

Nolíte possidére aurum neque argéntum neque pecúniám in zonis vestris, non peram in via neque duas túnicas neque calceaménta neque virgam; dignus enim est operárius cibo suo. In quamcúmque civitátem aut castéllum intravéritis, interrogáte quis in ea dignus sit, et ibi manéte donec exeátis.

Intrántes autem in domum, salutáte eam; et síquidem fúerit domus digna, véniat pax vestra super eam; si autem non fúerit digna, pax vestra ad vos revertátur ».

Verbum Dómini.

Die 18 augusti

B. MANNIS, PRESBYTERI

FRATRIS S. P. DOMINICI

Memoria ad libitum

LECTIO PRIOR

*Satagite ut per bona opera certam vestram vocationem  
et electionem faciatis.*

Léctio Epístolæ secúndæ beáti Petri apóstoli 1, 2-11

Caríssimi:

Grátia vobis et pax multiplicétur in cognitióne Dei et Iesu Dómini nostri.

Quómodo ómnia nobis divínæ virtútis suæ ad vitam et pietátem donátæ per cognitiónem eius, qui vocávit nos própria glória et virtúte, per quæ pretiósá et máxima nobis promíssa donáta sunt, ut per hæc efficiámini divínæ consórtis natúræ, fugiéntes eam, quæ in mundo est in concupiscéntia, corruptiÓnem; et propter hoc ipsum curam omnem subinfe-réntes ministráte in fide vestra virtútem, in virtúte autem sciéntiam, in sciéntia autem continéntiam, in continéntia

autem paciéntiam, in paciéntia autem pietátem, in pietáte autem amórem fraternitátis, in amóre autem fraternitátis caritátem. Hæc enim vobis, cum adsint et abúndent, non vácuos nec sine fructu vos constítuunt in Dómini nostri Iesu Christi cognitiónem; cui enim non præsto sunt hæc, cæcus est et nihil procul cernens, obliviónem accípiens purgatiónis véterum suórum delictórum. Quaprópter, fratres, magis satágitte, ut firmam vestram vocatiónem et electiόnem faciátis. Hæc enim faciéntes non offendétis aliquándo; sic enim abundánter ministrábitur vobis intróitus in ætérnum regnum Dómini nostri et salvatóris Iesu Christi.

Verbum Dómini.

PSALMUS RESPONSORIUS

Ps 88, 2-3. 4-5. 21-22. 25 et 27 (R.: cf. 2a)

R. Misericórdias tuas, Dómine, in ætérnum cantábo.

Misericórdias Dómini in ætérnum cantábo,  
in generatiónem et generatiónem  
annuntiábo veritátem tuam in ore meo.

Quóniam dixísti: « In ætérnum misericórdia ædificábitur »,  
in cælis firmábitur véritas tua. R.

Dispósui testaméntum elécto meo,  
iurávi David servo meo:  
Usque in ætérnum confirmábo semen tuum,  
et ædificábo in generatiónem et generatiónem  
sedem tuam. R.

Invéni David servum meum;  
óleo sancto meo unxi eum.  
Manus enim mea firma erit cum eo,  
et brácchium meum confortábit eum. R.

Et veritas mea et misericordia mea cum ipso  
et in nomine meo exaltabitur cornu eius.  
Ipse invocabit me: Pater meus es tu,  
Deus meus et refugium salutis meae. R.

ALLELUIA

Mt 5, 3

R. Allelúia. V. Beáti páuperes spíritu,  
quóniam ipsórum est regnum cælórum.  
R. Allelúia.

EVANGELIUM

*Vos qui reliquistis omnia ... centuplum accipietis.*

✠ Lécio sancti Evangélii secúndum Matthæum 19, 23-30

In illo témpore:

Dixit Iesus discipulis suis: « Amen dico vobis: Dives difficile intrábit in regnum cælórum. Et íterum dico vobis: Facílius est camélum per forámen acus transíre, quam dívitem intráre in regnum Dei ».

Audítis autem his, discipuli mirabántur valde, dicéntes: « Quis ergo póterit salvus esse? ».

Aspíciens autem Iesus dixit illis: « Apud hómines hoc impossibile est; apud Deum autem ómnia possible sunt ».

Tunc respóndens Petrus dixit ei: « Ecce nos relíquimus ómnia, et secúti sumus te; quid ergo erit nobis? ».

Iesus autem dixit illis: « Amen dico vobis, quod vos qui secúti estis me, in regeneratióne, cum séderit Fílius hóminis in throno glóriæ suæ, sedébitis et vos super thronos duódecim, iudicántes duódecim tribus Israel. Et omnis qui relíquit domos, vel fratres, aut soróres, aut patrem, aut matrem, aut fílios, aut agros, propter nomen meum, céntuplum accípiet, et vitam ætérnam possidébit.

Multi autem erunt primi novíssimi, et novíssimi primi ».

Verbum Dómini.

Die 23 augusti  
S. ROSÆ DE LIMA  
VIRGINIS  
Memoria obligatoria

## LECTIO PRIOR

*Nunc iam non novimus Christum secundum carnem.*

Lectio Epistolæ secundæ beāti Pauli apóstoli  
ad Corínthios

5, 14-17

Fratres:

Caritas Christi urget nos, æstímantes hoc quóniam, si unus pro ómnibus mórtuus est, ergo omnes mórtui sunt; et pro ómnibus mórtuus est, ut et qui vivunt, iam non sibi vivant, sed ei, qui pro ipsis mórtuus est et resurréxit. Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus. Si quis ergo in Christo, nova creatúra; vétera transié-runt, ecce, facta sunt nova.

Verbum Dómini.

---

Vel:

Sir 3, 19-26: « Humilia te, et coram Deo invenies gratiam ».

Fili, in mansuetú-dine ópera tua pér-fice ...

Vel:

Os 2, 14b. 15b. 19-20: « Sponsabo te mihi in sempiternum ».

Hæc dicit Dóminus: Ecce ego ducam eam in solitú-dinem ...

---

## PSALMUS RESPONSORIUS

Ps 44, 11-12. 14-15. 16-17 (R.: Mt 25, 6)

R. Ecce sponsus venit: exíte óbviám Christo Dómino.

Audi, fília, et vide et inclína aurem tuam  
 et oblivíscere pópulum tuum et domum patris tui;  
 et concupíscet rex spéciem tuam.

Quóniam ipse est dóminus tuus, et adóra eum. R.

Gloriósá nimis fília regis intrínsecus,  
 textúris áureis circumamícta.

In véstibus variegátis adducétur regi;  
 vírgines post eam, próximæ eius, afferúntur tibi. R.

Afferúntur in lætítia et exsultatióne,  
 adducúntur in domum regis.

Pro pátribus tuis erunt tibi fílii;  
 constítues eos príncipes super omnem terram. R.

## ALLELUIA

Ps 107, 2

R. Allelúia. V. Parátum cor meum, Deus,  
 parátum cor meum:  
 cantábo et psallam.  
 Euge, glória mea!  
 R. Allelúia.

## EVANGELIUM

*Manete in me et ego in vobis.*

✠ Lécitio sancti Evangéllii secúndum Ioánnem 15, 4-11

In illo témpore: Dixit Iesus discípulis suis:

Manéte in me, et ego in vobis. Sicut palmes non potest  
 ferre fructum a semetípso, nisi mánsarit in vite, sic nec vos,  
 nisi in me manséritis. Ego sum vitis, vos pálmites. Qui manet  
 in me, et ego in eo, hic fert fructum multum, quia sine me

nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent. Si manséritis in me, et verba mea in vobis mánserint, quodcúmque voluérítis, pétite, et fiet vobis. In hoc clarificátus est Pater meus, ut fructum multum afferátis et efficiámini mei discípuli. Sicut diléxit me Pater, et ego diléxi vos; manéte in dilectióne mea. Si præcépta mea servavéritis, manébitis in dilectióne mea, sicut ego Patris mei præcépta servávi et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Verbum Dómini.

Vel:

Mt 16, 24-27: « Qui perdiderit animam suam propter me, inveniet eam ». In illo témpore: Dixit Iesus discípulis suis: Si quis vult post me venire, ábneget semetípsum ...

Die 28 augusti

S. AUGUSTINI  
EPISCOPI ET ECCLESIAE DOCTORIS

Festum

LECTIO PRIOR

*Caritatem habete, quod est vinculum perfectionis.*

Léctio Epístolæ beáti Pauli apóstoli  
ad Colossénses

3, 12-17

Fratres:

Indúite vos, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, pa-

tiéntiam, supportántes ínvicem et donántes vobis ípsis si quis advérsus áliquem habet querélam; sicut et Dóminus donávit vobis, ita et vos.

Super ómnia autem hæc caritátem habéte, quod est vinculum perfectiónis. Et pax Christi dominétur in córdibus vestris, ad quam et vocáti estis in uno córpore. Et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spirituálibus, in grátia cantántes in córdibus vestris Deo; et omne quodcúmque fácitis in verbo aut in ópere, ómnia in nómine Dómini Iesu, grátias agéntes Deo Patri per ipsum.

Verbum Dómini.

---

Vel, sicubi festum cum tribus lectionibus celebratur:

Lectio I - 1 Reg 3, 11-14: « Dedi tibi cor sapiens et intelligens ».

In diébus illis: Dixit Deus Salomóni ...

---

PSALMUS RESPONSORIUS

Ps 99, 2. 3. 4. 5 (R.: 2c)

R. Confitémini Dómino, benedícite nómini eius.

Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.

Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. R.

Introíte portas eius in confessióne,  
átria eius in hymnis,  
confitémini illi, benedícite nómini eius. R.

Quóniam suávis est Dóminus;  
in ætérnum misericórdia eius,  
et usque in generatióem et generatióem véritas eius. R.

ALLELUIA

Io 17, 22-23

R. Allelúia. V. Ego claritátem, quam dedísti mihi, dedi illis,  
Pater, ut sint unum, sicut nos unum sumus:  
ut sint consummáti in unum.  
R. Allelúia.

## EVANGELIUM

*Ego dedi eis sermonem tuum  
sanctifica eos in veritate.*

✠ Lécio sancti Evangélii secúndum Ioánnem 17, 14-23a

In illo témpore:

Sublevátis Iesus óculis in cælum, orávit dicens: « Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo.

Non rogo ut tollas eos de mundo, sed ut serves eos a malo. De mundo non sunt, sicut et ego non sum de mundo.

Sanctífica eos in veritáte. Sermo tuus véritas est.

Sicut tu me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritáte.

Non pro his autem rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis unum sint, ut credat mundus quia tu me misísti.

Et ego claritátem, quam dedísti mihi, dedi eis, ut sint unum sicut et nos unum sumus. Ego in eis, et tu in me, ut sint consummáti in unum ».

Verbum Dómini.

# SEPTEMBER

Die 5 septembris

## ANNIVERSARIUM FAMILIARIUM ET BENEFACTORUM DEFUNCTORUM ORDINIS NOSTRI

LECTIO PRIOR

*Videbimus eum sicuti est.*

Lectio Epistolæ primæ beāti Ioānnis apóstoli 3, 1-2

Caríssimi:

Vidéte qualem caritátem dedit nobis Pater, ut filii Dei nominémur et simus. Propter hoc mundus non novit nos, quia non novit eum.

Caríssimi, nunc filii Dei sumus, et nondum apparúit quid érimus. Scimus quóniam, cum apparúerit, símiles ei érimus; quóniam vidébimus eum sicuti est.

Verbum Dómini.

PSALMUS RESPONSORIUS Ps 121, 1-2. 4-5. 6-7. 8-9 (R.: cf. 1)

R. Lætátus sum in his quæ dicta sunt mihi:  
in domum Dómini íbimus.

Lætátus sum in eo quod dixerunt mihi:

« In domum Dómini íbimus ».

Stantes iam sunt pedes nostri

in portis tuis, Ierúsalem. R.

Illuc enim ascenderunt tribus, tribus Dómini,  
 testimónium Israel, ad confiténdum nómini Dómini.  
 Quia illic sederunt sedes ad iudícium,  
 sedes domus David. R.

Rogáte quæ ad pacem sunt Ierúsalem,  
 secúri sint diligéntes te.  
 Fiat pax in muris tuis,  
 et secúritas in túrribus tuis. R.

Propter fratres meos et próximos meos  
 loquar: « Pax in te! »  
 Propter domum Dómini Dei nostri  
 exquíram bona tibi. R.

ALLELUIA

Mt 25, 34

R. Allelúia. V. Veníte, benedícti Patris mei, dicit Dóminus;  
 possidéte parátum vobis regnum  
 a constitutióne mundi.  
 R. Allelúia.

EVANGELIUM

*Venite, benedicti Patris mei.*

✠ Lécio sancti Evagélíi secúndum Matthæum 25, 31-46

In illo témpore:

Dixit Iesus discíplis suis: « Cum vénerit Fílius hóminis  
 in glória sua, et omnes ángeli cum eo, tunc sedébit super  
 thronum glóriæ suæ. Et congregabúntur ante eum omnes gen-  
 tes; et separábit eos ab ínvicem, sicut pastor ségregat oves  
 ab hædis, et státuet oves quidem a dextris suis, hædos autem  
 a sinístris.

Tunc dicet Rex his, qui a dextris eius erunt: " Veníte, benedícti Patris mei; possidéte parátum vobis regnum a constitútióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infírminus, et visitástis me; in cárcere eram, et venístis ad me".

Tunc respondébunt ei iusti dicéntes: " Dómine, quando te vídimus esuriéntem et pávimus, aut sitiéntem et dedimus tibi potum? Quando autem te vídimus hóspitem et collégimus, aut nudum et cooperuímus? Quando autem te vídimus infírminus aut in cárcere et vénimus ad te? "

Et respóndens Rex dicet illis: " Amen dico vobis: Quándiu fecístis uni de his frátribus meis mínimis, mihi fecístis ".

Tunc dicet et his qui a sinístris erunt: " Discédite a me, maledícti, in ignem ætérnum, qui præparátus est Diábolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infírminus et in cárcere, et non visitástis me ".

Tunc respondébunt et ipsi dicéntes: " Dómine, quando te vídimus esuriéntem aut sitiéntem aut hóspitem aut nudum aut infírminus vel in cárcere, et non ministrávimus tibi? "

Tunc respondébit illis dicens: " Amen dico vobis: Quándiu non fecístis uni de mínimis his, nec mihi fecístis".

Et ibunt hi in supplícium ætérnum, iusti autem in vitam ætérnam ».

Verbum Dómini.

Die 18 septembris  
S. IOANNIS MACIAS  
RELIGIOSI  
Memoria obligatoria

## LECTIO PRIOR

*Hydria farinæ non deficiet nec lecythus olei minuetur.*

Lectio libri primi Regum

17, 8-16

In diébus illis:

Factus est sermo Dómini ad Elíam, dicens: « Surge, et vade in Sarépta Sidoniórum, et manébis ibi; præcépi enim ibi muliéri víduæ ut pascat te ». Surréxit, et ábiit in Sarépta.

Cumque venísset ad portam civitátis, appáruit ei múlier vídua cólligens ligna; et vocávit eam, dixítque ei: « Da mihi páululum aquæ in vase, ut bibam ». Cumque illa pérgeret ut afférret, clamávit post tergum eius dicens: « Affer mihi, óbsecro, et buccéllam panis in manu tua ».

Quæ respóndit: « Vivit Dóminus Deus tuus, quia non hábeo panem, nisi quantum pugíllus cápere potest farinæ in hýdria et páululum ólei in lécytho. En cólligo duo ligna, ut ingrédiam et fáciam illum mihi et fílio meo, ut comedámus et moriámur ».

Ad quam Elías ait: « Noli timére, sed vade et fac sicut dixísti; verúmtamen mihi primum fac de ipsa farínula subcinerícium panem párvulum, et affer ad me; tibi autem et fílio tuo fácies póstea. Hæc autem dicit Dóminus Deus Israel: “ Hýdria farinæ non deficiet, nec lécythus ólei minuétur usque ad diem in qua Dóminus datúrus est plúviam super fáciem terræ ” ».

Quæ ábiit, et fecit iuxta verbum Elíæ; et comédit ipse et illa et domus eius per dies. Hýdria farínæ non defécit, et lécythus ólei non est imminútus, iuxta verbum Dómini, quod locútus fúerat in manu Elíæ.

Verbum Dómini.

Vel:

1 Io 3, 14-18: « Et nos debemus pro fratribus animas ponere ».

Caríssimi: Nos scimus quóniam transláti sumus ...

PSALMUS RESPONSORIUS Ps 54, 2-3a. 7-8. 17-18. 23 (R.: 23a)

R. Iacta super Dóminum curam tuam, et ipse te enútriet.

Vel: Dirigátur, Dómine, orátio mea sicut incénsum.

Auribus pércipe, Deus, oratióem meam,  
et ne abscondáris a deprecatióne mea;  
inténde mihi et exáudi me. R.

Et dixit: « Quis dabit mihi pennas sicut colúmbæ,  
et volábo et requiéscam?

Ecce elongábo fúgiens  
et manébo in solitúdine ». R.

Ego autem ad Deum clamábo,  
et Dóminus salvábit me.

Véspere et mane et meridie meditábor et ingemíscam,  
et exáudiet vocem meam. R.

Iacta super Dóminum curam tuam,  
et ipse te enútriet;  
non dabit in ætérnum fluctuatióem iusto. R.

ALLELUIA

Mt 6, 33

R. Allelúia. V. Quérite primum Regnum Dei et iustítiam eius,  
et hæc ómnia adiciéntur vobis.

R. Allelúia.

## EVANGELIUM

*Nolite solliciti esse in crastinum.*

✠ Lécio sancti Evangélii secúndum Matthæum 6, 31-34

In illo témpore:

Dixit Iesus discípulis suis: « Nolíte sollíciti esse dicétes: “Quid manducábimus?”, aut: “Quid bibémus?”, aut: “Quo operiémur?”. Hæc enim ómnia gentes inquírunť; scit enim Pater vester cæléstis quia his ómnibus indigétis.

Quárite autem primum regnum Dei et iustítiam eius, et hæc ómnia adiciéntur vobis.

Nolíte ergo esse sollíciti in crástinum; crástinus enim dies sollícitus erit sibi ipse. Súfficit diéi malítia sua ».

Verbum Dómini.

# OCTOBER

Die 4 octobris

S. P. FRANCISCI ASSISIENSIS \*

DIACONI

Festum

LECTIO PRIOR

*Quasi sol refulgens effulsit in templo Dei.*

Lectio libri Sirácidæ 50, 1. 3-7

Ecce qui in vita sua suffulsit domum et in diébus suis corroborávit templum. In diébus ipsíus excísa est piscína aquárum, lacus, quasi maris superfícies eius. Qui curávit gentem suam a latróne et firmávit eam ab obsidióne. Quam gloriósus appáruit, cum prospíceret e tabernáculo in egréssu domus velaménti! Quasi stella matutína in médio nébulæ et quasi luna plena in diébus festi et quasi sol refulgens super templum Dei.

Verbum Dómini.

---

Vel:

Gal 6, 14-18: « Mihi mundus crucifixus est, et ego mundo ».

Fratres: Mihi absit gloriári, nisi in cruce Dómini nostri ...

---

PSALMUS RESPONSORIUS Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: « Dóminus meus es tu.

---

\* Ut in Missali Seraphico, Romæ 1974, pp. 217-221.

Dóminus pars hereditátis meæ et cálicis mei:  
tu es qui détines sortem meam ». R.

Benedícam Dóminum qui tríbuit mihi intelléctum;  
ínsuper et in nóctibus erudiérunt me rénes mei.  
Proponébam Dóminum in conspéctu meo semper,  
quóniam a dextris est mihi, non commovébor. R.

Notas mihi fácies vias vitæ,  
plenitúdinem lætítiæ cum vultu tuo,  
delectatiónes in dèxtera tua usque in finem. R.

ALLELUIA

R. Allelúia. V. Francíscus pauper et húmilis  
cælum dives ingréditur,  
hymnis cæléstibus honorátur.  
R. Allelúia.

EVANGELIUM

*Abscondisti hæc a sapientibus  
et revelasti ea parvulis.*

✠ Lécitio sancti Evangéllii secúndum Matthæum 11, 25-30

In illo témpore, respóndens Iesus dixit: « Confíteor tibi,  
Pater, Dómine cæli et terræ, quia abscondísti hæc a sapién-  
tibus et prudéntibus, et revelásti ea párvulis. Ita, Pater, quó-  
niam sic fuit plácitum ante te.

Omnia mihi trádita sunt a Patre meo; et nemo novit Fílium,  
nisi Pater; neque Patrem quis novit, nisi Fílius et cui volúerit  
Fílius reveláre.

Veníte ad me, omnes qui laborátis et oneráti estis, et ego  
reficiam vos.

Tóllite iugum meum super vos, et díscite a me quia mitis  
sum et húmilis corde; et inveniétis réquiem animábus ve-  
stris: iugum enim meum suáve et onus meum leve est ».

Verbum Dómini.

Die 5 octobris

**B. RAIMUNDI A CAPUA  
PRESBYTERI**

Memoria ad libitum

LECTIO PRIOR

*Scire supereminentem scientiæ caritatem Christi.*

Lectio Epistolæ beati Pauli apóstoli ad Ephésios 3, 14-19

Fratres:

Flecto gēnua mea ad Patrem, ex quo omnis patérnitas in cælis et in terra nominátur, ut det vobis secúndum divítias glóriæ suæ virtúte corroborári per Spíritum eius in interiorem hóminem; habitáre Christum per fidem in córdibus vestris; in caritáte radicáti et fundáti, ut valeátis comprehendere cum ómnibus sanctis quæ sit latitúdo et longitúdo et sublímítás et profúndum, scire étiam supereminéntem scientiæ caritátem Christi, ut impleámini in omnem plenitúdinem Dei.

Verbum Dómini.

PSALMUS RESPONSORIUS Ps 15, 1-2a et 5. 7-8. 11 (R.: 5a)

R. Tu es, Dómine, pars hereditátis meæ.

Consérva me, Deus, quóniam sperávi in te,

Dixi Dómino: « Dóminus meus es tu.

Dóminus pars hereditátis meæ et cálicis mei:

tu es qui détines sortem meam ». R.

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper,

quóniam a dextris est mihi, non commovébor. R.

Notas mihi fácies vias vitæ,  
 plenitúdinem lætítiæ cum vultu tuo,  
 delectatiónes in délixtera tua usque in finem. R.

ALLELUIA

Io 8, 12

R. Allelúia. V. Qui séquitur me, non ámbulat in ténebris,  
 sed habébit lumen vitæ ætérnæ.  
 R. Allelúia.

EVANGELIUM

*Vinum novum in utres novos.*

✠ Lécitio sancti Evangélii secúndum Marcum 2, 18-22

In illo témpore:

Erant discípuli Ioánnis et pharisæi ieiunántes, et véniunt et dicunt illi: « Cur discípuli Ioánnis et discípuli pharisæórum ieiúnant, tui autem discípuli non ieiúnant? ».

Et ait illis Iesus: « Numquid possunt convívæ nuptiárum, quámdiu sponsus cum illis est, ieiunáre? Quanto témpore habent secum sponsum, non possunt ieiunáre. Vénient autem dies, cum auferétur ab eis sponsus, et tunc ieiunábunt in illa die.

Nemo assuméntum panni rudis ássuit vestiménto véteri; alióquin suppleméntum aufert áliquid ab eo, novum a véteri, et peior scissúra fit. Et nemo mittit vinum novéllum in utres véteres; alióquin dirúmpet vinum utres, et vinum perit et utres; sed vinum novum in utres novos ».

Verbum Dómini.

Die 7 octobris

**B. MARIE VIRGINIS A ROSARIO**

Festum

LECTIO PRIOR

*Lætare, filia Sion, ecce ego venio.*

Lectio libri Zachariæ prophætæ 2, 14-17

Iúbila et lætare, filia Sion, quia ecce ego vénio, et habitábo in médio tui, ait Dóminus. Et applicabúntur gentes multæ ad Dóminum in die illa, et erunt ei in pópulum. Et habitábo in médio tui, et scies quia Dóminus exercítuum misit me ad te.

Et possidébit Dóminus Iudam partem suam super terram sanctam et éliget adhuc Ierúsalem. Síleat omnis caro a fácie Dómini, quia consurréxit de habitáculo sancto suo.

Verbum Dómini.

Vel:

1 Chr 15, 3-4. 15-16; 16, 1-2: « Attulerunt arcam Dei et constituerunt eam in medio tabernaculi quod tetenderat ei David ».

In diébus illis: Congregávit David univérsum Israel in Ierúsalem...

Vel:

Act 1, 12-14: « Erant perseverantes in oratione cum Maria, matre Iesu ».

Postquam assúptus est Iesus in cælum ...

PSALMUS RESPONSORIUS Lc 1, 46-47. 48-49. 50-51. 52-53. 54-55

℞. Beáta, Virgo María, quæ portásti ætérni Patris Fílium.

Magníficat ánima mea Dóminum,  
et exsultávit spíritus meus in Deo salutári meo. ℞.

Quia respéxit humilitátem ancíllæ suæ,  
 ecce enim ex hoc beátam me dicent omnes generatiónes.  
 Quia fecit mihi magna qui potens est,  
 et sanctum nomen eius. R.

Et misericórdia eius a progénie in progénies timéntibus eum.  
 Fecit poténtiam in bráccchio suo,  
 dispérsit supérbos mente cordis sui. R.

Depósuit poténtes de sede  
 et exaltávit húmiles,  
 esuriéntes implévit bonis  
 et dívites dimísit inánes. R.

Suscépit Israel púerum suum recordátus misericórdiæ suæ,  
 sicut locútus est ad patres nostros,  
 Abraham et sémini eius in sácula. R.

ALLELUIA

Lc 1, 28

R. Allelúia. V. Ave, María, grátia plena;  
 Dóminus tecum;  
 benedícta tu in muliéribus.  
 R. Allelúia.

EVANGELIUM

*Ecce concipies in utero et paries filium.*

✠ Lécitio sancti Evangélii secúndum Lucam 1, 26-38

In illo témpore:

Missus est ángelus Gábriel a Deo in civitátem Galiléæ,  
 cui nomen Náza-reth, ad vírginem desponsátam viro, cui no-  
 men erat Ioseph, de domo David, et nomen vírginis María.

Et ingressus ad eam dixit: « Ave, grátia plena, Dóminus  
 tecum ».

Ipsa autem turbata est in sermone eius, et cogitabat qualis esset ista salutatio.

Et ait Angelus ei: « Ne timeas, Maria; invenisti enim gratiam apud Deum: esse concipies in utero et paries filium et vocabis nomen eius Iesum. Hic erit magnus et Filius Altissimi vocabitur, et dabit illi Dominus Deus sedem David patris eius, et regnabit super domum Iacob in æternum, et regni eius non erit finis ».

Dixit autem Maria ad Angelum: « Quomodo fiet istud, quoniam virum non cognosco? ».

Et respondens Angelus dixit ei: « Spiritus Sanctus superveniet in te, et virtus Altissimi obumbrabit tibi. Ideoque et quod nascetur, sanctum vocabitur, Filius Dei. Et ecce Elisabeth, cognata tua, et ipsa concepit filium in senectute sua; et hic mensis sextus est illi, quæ vocatur sterilis; quia non erit impossibile apud Deum omne verbum ».

Dixit autem Maria: « Ecce ancilla Domini; fiat mihi secundum verbum tuum ». Et discessit ab illa Angelus.

Verbum Domini.

Vel:

Lc 1, 39-47: « Beata quæ credidisti ».

Exurgens Maria in diebus illis abiit in montana ...

Vel:

Lc 2, 41-51: « Maria conservabat omnia verba hæc conferens in corde suo ».

Ibant parentes Iesu per omnes annos in Ierusalem ...

Die 9 octobris

S. LUDOVICI BERTRÁN

PRESBYTERI

Memoria obligatoria

LECTIO PRIOR

*Ibis ad terram quam monstravero tibi.*

Léctio libri Génesis

12, 1-7

In diébus illis:

Dixit Dóminus ad Abram: « Egrédere de terra tua, et de cognatióne tua, et de domo patris tui, et veni in terram quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque in benedictionem. Benedicám benedicéntibus tibi et maledicéntibus tibi maledicám, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus, et ivit cum eo Lot. Septuagínta quinque annórum erat Abram cum egrederétur de Charran. Tulítque Sárai uxórem suam, et Lot fílium fratris sui, universámque substántiam quam acquisíverant, et ánimas quas fécerant in Charran; et egréssi sunt ut irent in terram Chánaan.

Pertransívit Abram terram usque ad locum Sichem, usque ad Quercum Moreh. Chananæus autem tunc erat in terra.

Appáruit autem Dóminus Abram et dixit ei: « Sémini tuo dabo terram hanc ». Qui ædificávit ibi altáre Dómino, qui apparúerat ei.

Verbum Dómini.

---

Vel:

Rom 10, 9-18: « Fides ex auditu, auditus autem per verbum Christi ».

Si confíteáris in ore tuo Dóminum Iesum ...

---

PSALMUS RESPONSORIUS

Ps 18, 2-3. 4-5 (R.: 5a)

R. In omnem terram exívit sonus eórum.

Cæli enárrant glóriam Dei,  
 et ópera mánuum eius annúntiat firmaméntum.  
 Dies diéi erúctat verbum,  
 et nox nocti índicat sciéntiam. R.

Non sunt loquélæ neque sermónes,  
 quorum non intellegántur voces.  
 In omnem terram exívit sonus eórum,  
 et in fines orbis terræ verba eórum. R.

ALLELUIA

Mt 28, 19a. 20b

R. Allelúia. V. Eúntes docéte omnes gentes, dicit Dóminus;  
 ego vobíscum sum ómnibus diébus  
 usque ad consummationem sæculi.  
 R. Allelúia.

## EVANGELIUM

*Euntes in mundum universum, prædicate Evangelium.*

✠ Lécitio sancti Evangélii secúndum Marcum 16, 15-18

In illo témpore appárens Iesus Undecim, dixit eis:

« Eúntes in mundum univérsum, prædicáte Evangélium  
 omni creatúræ. Qui credíderit et baptizátus fúerit, salvus erit;  
 qui vero non credíderit, condemnábitur.

Signa autem eos qui credíderint hæc sequéntur: in nó-  
 mine meo dæmónia eíciant, linguis loquéntur novis, ser-  
 péntes tollent, et, si mortíferum quid bíberint, non eis no-  
 cébit; super ægros manus impónt, et bene habébunt ».

Verbum Dómini.

Die 22 octobris

In ecclesiis dedicatis  
quarum dies dedicationis ignoratur:

ANNIVERSARII DEDICATIONIS ECCLESIAE

Sollemnitas

LECTIO PRIMA

*Domus mea domus orationis vocabitur cunctis populis.*

Lectio libri Isaiae prophetae

56, 1. 6-7

Haec dicit Dominus:

« Custodite iudicium et facite iustitiam, quia iuxta est salus mea ut veniat, et iustitia mea ut reveletur.

Et filios advenae, qui adherent Domino, ut colant eum et diligant nomen eius, ut sint ei in servos, omnes custodiéntes sabbatum ne polluant illud et tenentes foedus meum, adducam eos in montem sanctum meum, et laetificabo eos in domo orationis meae; holocausta eorum et victimae eorum placebunt mihi super altari meo, quia domus mea domus orationis vocabitur cunctis populis ».

Verbum Domini.

PSALMUS RESPONSORIUS Ps 83, 3. 4. 5 et 10 (R.: Ap 21, 3b)

R. Ecce tabernaculum Dei cum hominibus.

Concupiscit et deficit anima mea in atria Domini.

Cor meum et caro mea exultaverunt in Deum vivum. R.

Etenim passer invénit sibi domum,  
 et turtur nidum sibi, ubi ponat pullos suos:  
 altária tua, Dómine virtútum, rex meus et Deus meus. R.

Beáti qui hábitant in domo tua,  
 in perpétuum laudábunt te.  
 Protéctor noster, áspice, Deus,  
 et réspice in fáciem Christi tui. R.

## LECTIO SECUNDA

*Accessistis ad Sion montem et civitatem Dei viventis.*

Léctio Epístolæ ad Hebræos 12, 18-19. 22-24

Fratres:

Non accessístis ad tractábilem et ardéntem ignem et túr-  
 binem et caliginem et procéllam, et tubæ sonum et vocem  
 verbórum, quam qui audiérunt, recusavérunt, ne ultra eis  
 fieret verbum.

Sed accessístis ad Sion montem et civitátem Dei vivéntis,  
 Ierúsalem cæléstem, et multa mília angelórum, fréquentiam  
 et ecclésiám primogenitórum, qui conscripti sunt in cælis,  
 et iúdicem ómnium Deum et spíritus iustórum, qui consum-  
 máti sunt, et testaménti novi mediatórem Iesum, et sángu-  
 nem aspersionis, mélius loquéntem quam Abel.

Verbum Dómini.

ALLELUIA

Ez 37, 27

R. Allelúia. V. Erit tabernáculum meum in eis,  
 dicit Dóminus, et ero eis Deus,  
 et ipsi erunt mihi pópulus.  
 R. Allelúia.

## EVANGELIUM

*Veri adoratores adorabunt Patrem in spiritu et veritate.*

✠ Lécitio sancti Evangélii secúndum Ioánnem 4, 19-24

In illo témpore:

Múlier Samaritána dicit Iesu:

« Dómine, vídeo quia prophéta es tu. Patres nostri in monte hoc adoravérunt, et vos dicitis quia Hierosólymis est locus ubi adoráre opórtet ».

Dicit ei Iesus: « Crede mihi, múlier, quia venit hora, quando neque in monte hoc neque in Hierosólymis adorábitis Patrem. Vos adorátis quod nescítis, nos adorámus quod scimus, quia salus ex Iudæis est. Sed venit hora et nunc est, quando veri adoratóres adorábunt Patrem in spíritu et veritáte. Nam et Pater tales quærit qui adórent eum. Spíritus est Deus, et eos, qui adórant eum, in spíritu et veritáte opórtet adoráre ».

Verbum Dómini.

# NOVEMBER

Die 3 novembris

## S. MARTINI DE PORRES RELIGIOSI

Festum

LECTIO PRIOR

*Frange esurienti panem tuum.*

Lectio libri Isaíæ prophétæ

58, 6-11

Hæc dicit Dóminus:

« Dissólve víncula iníqua, solve funes iugi, dimítte eos, qui confrácti sunt, líberos, et omne iugum dirúmpe. Frange esuriénti panem tuum et egénos, vagos induc in domum. Cum víderis nudum, óperi eum et carnem tuam ne despéxeris.

Tunc erúmpet quasi auróra lumen tuum, et sanátio tua cítius oriétur; et anteíbit fáciem tuam iustítia tua, et glória Dómini cólliget te. Tunc invocábis, et Dóminus exáudiet, clamábis, et dicet: « Ecce adsum ».

Si abstúleris de médio tui iugum et desíeris exténdere dígitum et loqui iniquitátem, si effúderis esuriénti ánimam tuam et ánimam afflíctam satiáveris, oriétur in ténebris lux tua, et calígo tua erit sicut merídies.

Et te ducet Dóminus semper, et satiábit in locis áridis ánimam tuam et ossa tua firmábit; et eris quasi hortus irri-guus et sicut fons aquárum, cuius non defícient aquæ ».

Verbum Dómini.

Vel:

Gal 3, 26-28; 4, 6-7: « Omnes vos unum estis in Christo ».

Fratres: Omnes filii Dei estis per fidem, quæ est in Christo Iesu ...

PSALMUS RESPONSORIUS

Ps 144, 10-11. 12-13ab. 17-18 (R.: cf. 15)

R. Oculi ómnium in te sperant  
et tu das illis escam in témpore suo.

Confiteántur tibi, Dómine, ómnia ópera tua,  
et sancti tui benedícant tibi.

Glóriam regni tui dicant,  
et poténtiam tuam loquántur. R.

Ut notas fáciant fíliis hóminum poténtias tuas,  
et glóriam magnificéntiæ regni tui.

Regnum tuum regnum ómnium sæculórum,  
et dominátio tua in omnem generatióem et generatióem. R.

Iustus Dóminus in ómnibus viis suis,  
et sanctus in ómnibus opéribus suis.

Prope est Dóminus ómnibus invocántibus eum,  
ómnibus invocántibus eum in veritáte. R.

ALLELUIA

Io 13, 34

R. Allelúia. V. Mandátum novum do vobis, dicit Dóminus,  
ut diligátis ínvicem sicut diléxi vos.  
R. Allelúia.

Vel:

Mt 11, 29

R. Allelúia. V. Dísците a me, quia mitis sum et húmilis corde:  
et inveniétis réquiem animábus vestris.  
R. Allelúia.

## EVANGELIUM

*Quis est meus proximus?*

✠ Lécitio sancti Evangélii secúndum Lucam 10, 25-37

In illo témpore:

Ecce quidam legis perítus surréxit tentans Iesum dicens: « Magíster, quid faciéndo vitam ætérrnam possidébo? ». At ille dixit ad eum: « In Lege quid scriptum est? Quómodo legis? ». Ille autem respóndens dixit: « Díliges Dóminum Deum tuum ex toto corde tuo et ex tota ánima tua et ex ómnibus víribus tuis et ex omni mente tua et próximum tuum sicut teípsum ». Dixítque illi: « Recte respóndísti; hoc fac et vives ». Ille autem, volens iustificáre seípsum, dixit ad Iesum: « Et quis est meus próximus? ».

Suscípiens autem Iesus dixit: « Homo quidam descendébat ab Ierúsalem in Iéricho et incidit in latrónes, qui étiam despoliavérunt eum et, plagis impóstitis, abiérunt, semivívo relícto. Accidit autem, ut sacérdos quidam descénderet eádem via et, viso illo, præterívit; simíliter et Levíta, cum esset secus locum et vidéret eum, pertránsiit. Samaritánus autem quidam iter faciens, venit secus eum et videns eum misericórdia motus est, et apprópians alligávit vúlnera eius infúndens óleum et vinum; et impónens illum in iuméntum suum duxit in stábulum et curam eius egit. Et áltera die prótulit duos denários et dedit stabulário et ait: “ Curam illíus habe et, quodcúmque supererogáveris, ego, cum rediero, reddam tibi”. Quis horum trium vidétur tibi próximus fuísse illi, qui incidit in latrónes? ». At ille dixit: « Qui fecit misericórdiam in illum ». Et ait illi Iesus: « Vade et tu fac simíliter ».

Verbum Dómini.

Vel:

Mt 11, 25-30: « Abscondisti hæc sapientibus et revelasti ea parvulis ».

In illo témpore: Respóndens Iesus dixit: Confíteor tibi, Pater ...

Die 6 novembris

**BB. IGNATII, FRANCISCI, ALPHONSI  
ET SOCIORUM, MARTYRUM IN ORIENTE**

Memoria obligatoria

LECTIO PRIOR

*Victricem manum tuam laudaverunt pariter.*

Léctio libri Sapiéntiæ 10, 17-20

Réddidit sanctis mercédem labórum suórum  
et dedúxit illos in via mirábili  
et fuit illis in velaménto diéi  
et in luce stellárum per noctem.  
Tránstulit illos per mare Rubrum  
et transvéxit illos per aquam nímiám;  
inimícos autem illórum demérsit  
et ab altitúdi-ne abýssi edúxit illos.  
Ideo iusti tulérunt spólia impiórum  
et decantavérunt, Dómine, nomen sanctum tuum  
et victrícem manum tuam laudavérunt unanímiter.

Verbum Dómini.

Vel:

*Attendite vobis et universo gregi.*

Léctio Actuum Apostolórum 20, 22-32

Ecce alligátus ego Spíritu vado in Ierúsalem, quæ in ea eventúra sint mihi ignórans, nisi quod Spíritus Sanctus per omnes civitátes protestátur mihi dicens quóniam víncula et tribulatiónes me manent. Sed níhili fácio ánimam meam pretiósam mihi, dúmmodo consúmmem cursum meum et ministérium, quod accépi a Dómino Iesu, testificári evangélium grátiae Dei.

Et nunc ecce ego scio quia ámplius non vidébitis fáciem meam vos omnes, per quos transívi prædicans regnum; quaprópter contéstor vos hodiérna die quia mundus sum a sáanguine ómnium, non enim subterfúgi, quóminus annuntiárem omne consílium Dei vobis. Atténdite vobis et univérso gregi, in quo vos Spíritus Sanctus pósuit episcopos, páscere ecclésiám Dei, quam acquisívit sáanguine suo. Ego scio quóniam intrábunt post discessiónem meam lupi graves in vos non parcéntes gregi, et ex vobis ipsis exsúrgent viri loquéntes perversa, ut ábstrahant discípulos post se. Propter quod vigiláte memória retinéntes quóniam per triénnium nocte et die non cessávi cum lácrimis monens unumquémque vestrum.

Et nunc comméndo vos Deo et verbo grátia ipsíus, qui potens est ædificáre et dare hereditátem in sanctificátis ómnibus.

Verbum Dómini.

PSALMUS RESPONSORIUS Ps 125, 1-2ab 2cd-3. 4-5. 6 (R.: 5)

R. Qui sémant in lácrimis, in exsultatióne metent.

In converténdo Dóminus captivitátem Sion,  
facti sumus quasi somniántes.

Tunc replétum est gáudio os nostrum,  
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».  
Magnificávit Dóminus fácere nobíscum;  
facti sumus lætántes. R.

Convérte, Dómine, captivitátem nostram,  
sicut torréntes in austro.

Qui sémant in lácrimis,  
in exsultatióne metent. R.

Eúntes ibant et flebant,  
 semen spargéndum portántes;  
 veniéntes autem vénient in exsultatióne,  
 portántes manípulos suos. R.

ALLELUIA

Io 15, 16

R. Allelúia. *ψ.* Ego vos elégi de mundo,  
 ut eátis, et fructum afferátis,  
 et fructus vester máneat.  
 R. Allelúia.

EVANGELIUM

*Si me persecuti sunt, et vos persequentur.*

✠ Lécitio sancti Evangélii secúndum Ioánnem 15, 18-21

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus, quod suum est, dilígeret; quia vero de mundo non estis, sed ego elégi vos de mundo, proptérea odit vos mundus.

Mementóte sermónis mei, quem ego dixi vobis: Non est servus maior dómimo suo.

Si me persecúti sunt, et vos persequéntur; si sermónem meum servavérunt, et vestrum servábunt. Sed hæc ómnia fácient vobis propter nomen meum, quia nésciunt eum qui misit me ».

Verbum Dómini.

Die 7 novembris

OMNIUM SANCTORUM  
ORDINIS PRÆDICATORUM

Festum

LECTIO PRIOR

*Nomen eorum vivit in generationem.*

Lectio libri Sirácidæ

44, 1-15

Laudémus viros gloriósos  
et paréntes nostros in generatióne sua.

Multam glóriam fecit Dóminus,  
magnificéntiam suam a sæculo.

Dominántes in potestátibus suis,  
hómines magni virtúte

et prudéntia sua præditi,

nuntiántes in prophetiis,

regéntes pópulum in consíliis

et perítia scriptúræ pópulos;

verba sapiéntiæ in disciplína eórum,

requiréntes modos músicos

et narrántes cármina scripturárum;

hómines dívites inníxi virtúte,

pulchritúdinis stúdiu habéntes,

pacificántes in dómibus suis.

Omnes isti in generatióne gentis suæ glóriam adépti sunt,  
et a diébus suis habéntur in láudibus.

De illis nati sunt, qui reliquérun nomen  
narrándi laudes eórum.

Et sunt quorum non est memória:

periérunt quasi qui non fúerint;

et nati sunt quasi non nati,

et filii ipsórum post ipsos.

Sed hi viri misericórdiæ sunt,  
 quorum pietátes non fuérunt in obliuione.  
 Cum sémine eórum pérmanent,  
 bona heréditas, nepótes eórum,  
 et in testaméntis stetit semen eórum;  
 et filii eórum propter illos.  
 Usque in ætérnum manet semen eórum,  
 et glória eórum non derelinquétur.  
 Córpora ipsórum in pace sepúlta sunt,  
 et nomen eórum vivit in generatiónem et generatiónem;  
 sapiéntiam ipsórum narrent pópuli,  
 et laudem eórum núntiet ecclésia.

Verbum Dómini.

Vel:

2 Cor 6, 4-10: « Quasi morientes, et ecce vivimus ».

Fratres: In ómnibus exhibeámus nosmetípsos ...

PSALMUS RESPONSORIUS

Ps 23, 1-2. 3-4ab. 5-6 (R.: 6)

R. Hæc est generatio quæréntium faciém tuam, Dómine.

Dómini est terra et plenitúdo eius,  
 orbis terrárum et qui hábitant in eo.  
 Quia ipse super mária fundávit eum,  
 et super flúmina firmávit eum. R.

Quis ascéndet in montem Dómini,  
 aut quis stabit in loco sancto eius?  
 Innocens mánibus et mundo corde,  
 qui non levávit ad vana ánimam suam. R.

Hic accípiet benedictiόnem a Dómino,  
 et iustificatiόnem a Deo salutári suo.  
 Hæc est generatio quæréntium eum,  
 quæréntium faciém Dei Iacob. R.

ALLELUIA

Mt 5, 3

R. Allelúia. *ψ.* Beáti páuperes spírítu,  
quóniam ipsórum est regnum cælórum.  
R. Allelúia.

EVANGELIUM

*Accipietis centies in tempore hoc  
et in sæculo futuro vitam æternam.*

✠ Lécitio sancti Evangélii secúndum Marcum 10, 28-30

In illo témpore:

Cœpit Petrus dícere ad Iesum: « Ecce nos dimísimus ómnia, et secúti sumus te ».

Respóndens Iesus ait: « Amen dico vobis, nemo est, qui relíquerit domum aut fratres aut soróres aut patrem aut matrem aut fílios aut agros propter me et propter Evangé-  
lium, qui non accípiat cénties tantum nunc in témpore hoc, domos et fratres et soróres et matres et fílios et agros, cum persecutió nibus, et in sæculo futúro vitam ætérnam ».

Verbum Dómini.

Die 8 novembris

ANNIVERSARIUM OMNIUM FRATRUM  
ET SORORUM DEFUNCTORUM O.P.

LECTIO PRIOR

*Mors ultra non erit.*

Lécitio libri Apocalýpsis beáti Ioánnis apóstoli 21, 1-5a. 6b-7

Ego Ioánnes vidi cælum novum et terram novam; pri-  
mum enim cælum et prima terra abiérunt, et mare iam non  
est. Et civitátem sanctam Ierúsalem novam vidi descendén-  
tem de cælo a Deo, parátam sicut sponsam ornátam viro suo.

Et audívi vocem magnam de throno dicentem: « Ecce tabernáculum Dei cum homínibus, et habitábit cum eis; et ipsi pópulus eius erunt, et ipse Deus cum eis erit eórum Deus; et abstérget Deus omnem lácrimam ab óculis eórum, et mors ultra non erit neque luctus neque clamor neque dolor erit ultra, quia prima abiérunt ».

Et dixit qui sedébat in throno: « Ecce nova fácio ómnia. Ego sum alpha et ómega, ínítium et finis. Ego sitiénti dabo de fonte aquæ vivæ gratis. Qui vícerit, hereditábit hæc, et ero illi Deus, et ille erit mihi fílius ».

Verbum Dómini.

PSALMUS RESPONSORIUS Ps 121, 1-2. 4-5. 6-7. 8-9 (R.: cf. 1)

R. In domum Dómini lætántes íbimus.

Lætátus sum in eo quod dixérunt mihi:

« In domum Dómini íbimus ».

Stantes iam sunt pedes nostri  
in portis tuis, Ierúsalem. R.

Illuc enim ascendérunt tribus, tribus Dómini,  
testimónium Israel, ad confiténdum nómini Dómini.  
Quia illic sedérunt sedes ad iudícium,  
sedes domus David. R.

Rogáte quæ ad pacem sunt Ierúsalem,  
secúri sint diligéntes te.  
Fiat pax in muris tuis,  
et secúritas in túrribus tuis. R.

Propter fratres meos et próximos meos  
loquar: « Pax in te! »  
Propter domum Dómini Dei nostri  
exquíram bona tibi. R.

ALLELUIA

Phil 3, 20

R. Allelúia. V. Noster municipátus in cælis est,  
unde étiam Salvatórem exspectámus,  
Dóminum Iesum Christum.

R. Allelúia.

## EVANGELIUM

*Pro eis me sanctifico, ut sint et ipsi  
sanctificati in veritate.*

✠ Lécio sancti Evangéllii secúndum Ioánnem

In illo témpore:

17, 1. 15-21. 24-26

Sublevátis Iesus oculis in cælum, orávit dicens: « Non rogo, ut tollas eos de mundo, sed ut serves eos ex Malo. De mundo non sunt, sicut ego non sum de mundo. Sanctifica eos in veritáte; sermo tuus véritas est. Sicut me misísti in mundum, et ego misi eos in mundum; et pro eis ego sanctífico meipsum, ut sint et ipsi sanctificáti in veritáte.

Non pro his autem rogo tantum, sed et pro eis, qui creditúri sunt per verbum eórum in me, ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misísti.

Pater, quod dedísti mihi, volo, ut ubi ego sum, et illi sint mecum, ut vídeant claritátem meam, quam dedísti mihi, quia dilexísti me ante constitutiónem mundi.

Pater iuste, et mundus te non cognóvit; ego autem te cognóvi et hi cognovérunt quia tu me misísti, et notum feci eis nomen tuum et notum fáciam, ut dilécio, qua dilexísti me, in ipsis sit, et ego in ipsis ».

Verbum Dómini.

Die 15 novembris

S. ALBERTI MAGNI  
EPISCOPI ET ECCLESIAE DOCTORIS

Festum

LECTIO PRIOR

*Si dilexeris audire, sapiens eris.*

Lectio libri Sirácidæ

6, 18-21. 33-37

Fili, a iuventute tua excipe doctrinam  
et usque ad canos invenies sapientiam.

Quasi is, qui arat et seminat, accede ad eam  
et sustine bonos fructus illius.

In opere enim ipsius exiguum laborabis  
et cito edes de generationibus illius.

Quam aspera est nimium sapientia indoctis hominibus,  
et non permanebit in illa excors.

Fili, si attenderis, disces;

et, si accommodaveris animum tuum, prudens eris.

Si dilexeris audire, excipies doctrinam,

et, si inclinaveris aurem tuam, sapiens eris.

In multitudine presbyterorum sta  
et sapientiae illorum ex corde coniungere,  
ut omnem narrationem Dei velis audire,  
et proverbia intellectus non effugiant a te.

Et, si videris sensatum, evigila ad eum,  
et gradus ostiorum illius exterat pes tuus.

Cogitatum tuum habe in praecipis Dei  
et in mandatis illius maxime assiduus esto;

et ipse firmabit tibi cor,

et concupiscentia sapientiae dabitur tibi.

Verbum Domini.

Vel:

Iac 3, 13-18: « Fructus iustitiæ in pace seminatur ».

Caríssimi: Quis sápiens et disciplinátus inter vos? ...

PSALMUS RESPONSORIUS

Ps 118, 9. 10. 11. 12. 13. 14 (R.: 12b)

R. Doce me, Dómine, iustificatiónes tuas.

In quo mundábit adulescéntior viam suam?

In custodiéndo sermónes tuos. R.

In toto corde meo exquisívi te,  
ne erráre me fácias a præcéptis tuis. R.

In corde meo abscondi elóquia tua,  
ut non peccem tibi. R.

Benedíctus es, Dómine;  
doce me iustificatiónes tuas. R.

In lábiis meis  
numerávi ómnia iudícia oris tui. R.

In via testimoniórum tuórum delectátus sum  
sicut in ómnibus divítiis. R.

ALLELUIA

Cf. Act 16, 14b

R. Allelúia. V. Aperi, Dómine, cor nostrum,  
ut intendámus verbis Fílii tui.

R. Allelúia.

Vel:

R. Allelúia. V. Vere magnus est in cælis Albértus fidélis  
qui fecit quod dócuit.

R. Allelúia.

## EVANGELIUM

✠ Lécctio sancti Evangélii secúndum Matthæum 25, 14-23

In illo témpore:

Dixit Iesus discíplis suis parábolam hanc: « Homo pérégre proficiscens vocávit servos suos, et trádedit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est.

Statim ábiit, qui quinque talénta accéperat, et operátus est in eis, et lucrátus est ália quinque; simíliter qui duo accéperat, lucrátus est ália duo. Qui autem unum accéperat, ábiens fodit in terra, et abscondit pecúniam dómini sui.

Post multum vero témporis venit dóminus servórum illórum, et pósuit ratiónera cum eis.

Et accédens qui quinque talénta accéperat, óbtulit ália quinque talénta dicens: “ Dómine, quinque talénta tradidísti mihi: ecce ália quinque superlucrátus sum ”.

Ait illi dóminus eius: “ Euge, serve bone et fidélis. Super pauca fuísti fidélis; supra multa te constítuam: intra in gáudium dómini tui ”.

Accéssit autem et qui duo talénta accéperat et ait: “ Dómine, duo talénta tradidísti mihi: ecce ália duo lucrátus sum ”.

Ait illi dóminus eius: “ Euge, serve bone et fidélis. Super pauca fuísti fidélis; supra multa te constítuam: intra in gáudium dómini tui ” ».

Verbum Dómini.

---